

藏

書

藏書世紀目錄卷三之四

○明聖繼統

孝文皇帝 ○景帝附

○英雄繼創

孝武皇帝

○守成明辟

孝昭皇帝

○守成令主

孝宣皇帝 ○元成哀平附 ○西漢共二百一十一年

○篡弒盜賊

新莽

○乘亂草竊

公孫述

○聖主重興

漢世祖皇帝

○守成明辟

孝明皇帝 ○章帝以後附 ○東漢共一百九十四年

○三國兵爭

魏

吳

蜀

○奸臣篡奪

晉司馬氏○共五十二年

藏書世紀卷三

明聖繼統

孝文皇帝

孝文皇帝諱恒，母薄姬也。高祖誅陳豨，定代地，立恒為代王。高后崩，諸呂謀為亂，丞相陳平、太尉周勃、朱虛侯劉章等，共誅之，使人迎代王。代王郎中令張武等議，皆曰：「漢大臣皆故高帝時將，習兵事，多謀詐，其屬意非止此也。特畏高帝呂太后威耳。今已誅諸呂，新喋血京師，以迎代王為名，實不可信。願稱疾無往。」

以觀其變。中尉宋昌進曰：羣臣之議皆非也。夫秦失其政，豪傑並起，人人自以爲得之者，以萬數。然卒踐天子位者，劉氏也。天下絕望一矣。高帝王子弟，地犬牙相制，所謂磐石之宗也。天下服其疆，二矣。漢興，除秦煩苛，約法令，施德惠，人人自安，難動搖，三矣。夫以呂太后之嚴，立諸呂爲三王，擅權專制，然而太尉以一節入北軍，一呼士皆袒左爲劉氏，叛諸呂卒以滅之。此乃天授，非人力也。今大臣雖欲爲變，百姓弗爲。使其黨寧能專一邪？內有朱虛、東牟之親，外畏吳、楚。

淮南琅邪齊代之疆方今高帝子獨淮南王與大
大王又長賢聖仁孝聞於天下故大臣因天下之心
而欲迎立大王大王勿疑也代王報太后計猶豫未
定卜之兆得大橫占曰大橫庚庚余爲天王夏啓以
光代王曰寡人固已爲王又何王乎卜人曰所謂天
王者乃天子也於是代王乃遣太后弟薄昭見太尉
勃勃等具言所以迎立王者昭還報曰信矣無可疑
者代王乃令宋昌驂乘張武等六人乘六乘傳詣長
安至高陵止而使宋昌先之長安觀變昌至渭橋丞

皆○精○細○不○可○當○

相已下皆迎昌還報代王乃進至滑橋羣臣拜謁稱
臣代王下拜太尉勃進曰願請間宋昌曰所言公公
言之所言私王者無私太尉勃乃跪上天子璽代王
謝曰至邸而議之閏月己酉入代邸羣臣從至請即
天子位代王西鄉讓者三南鄉讓者再遂即天子位
羣臣以次侍使太僕嬰東牟侯興居先清宮奉天子
法駕迎代邸皇帝即夕入未央宮夜拜宋昌爲衛將
軍領南北軍張武爲郎中令行殿中還坐前殿元年
冬十月辛亥謁高廟徙右丞相平爲左丞相太尉勃

爲右丞相大將軍灌嬰爲太尉諸呂所奪齊楚
皆復與之壬子遣車騎將軍薄昭迎皇太后于代
益封太尉周勃邑萬戶賜金五千斤丞相陳平將軍
灌嬰邑各三千戶金二千斤朱虛侯章襄平侯通東
牟侯興居邑各二千戶金千斤封典客揭爲陽信侯
賜金千斤盡除收帑相坐律令正月有司請蚤建太
子詔曰朕旣不德上帝神明未歆饗也天下人民未
有慝志今縱不能博求天下賢聖有德之人而嬪天
下焉而曰豫建太子是重吾不德也謂天下何其安

之有司曰豫建太子所以重宗廟社稷不忘天下也
上曰楚王季父也春秋高閔天下之義理多矣明於
國家之大體吳王於朕兄也淮南王弟也皆秉德以
陪朕大是豈爲不豫哉諸侯王宗室昆弟有功臣多賢及
有德義者若舉有德以陪朕之不能終是社稷之靈
天下之福也今不選舉焉而曰必子人其以朕爲忘
賢有德者而專於子非所以憂天下也朕甚不取有
司固請曰立嗣必子所從來遠矣高帝始平天下建
諸侯爲帝者太祖諸侯王列侯始受國者亦皆爲其

國祖子孫繼嗣世世不絕天下之大義也故高帝設之以撫海內今釋宜建而更選於諸侯宗室非高帝之志也更議不宜子啓最長敦厚慈仁請建以爲太子。上乃許之。因賜天下民當爲父後者爵一級。上從代來初卽位施德惠天下鎮撫諸侯四夷皆歡洽乃修從代來功臣詔封周昌爲壯武侯諸從朕六人官皆至九卿又詔曰列侯從高帝入蜀漢者六十八人皆益邑各三百戶故吏二千石以上從高帝潁川守尊等十人食邑六百戶淮陽守申屠嘉等十人五百

戶衛尉定等十八、四百戶、封淮南王舅趙兼爲周陽侯、齊王舅駟鈞爲靖郭侯、故常山丞相蔡兼爲樊侯、二年、丞相陳平薨、詔曰、朕聞古者諸侯建國千餘歲、各守其地、以時入貢、民不勞苦、上下歡欣、靡有違德、今列侯多居長安、邑遠、吏卒給輸費苦、而列侯亦無繇教訓其民、其令列侯之國爲吏及詔所止者、遣太子、三月、有司請立皇子爲諸侯王、詔曰、前趙幽王幽、以朕甚憐之、已立其太子、遂爲趙王、遂弟辟疆及齊、惠王子朱虛侯章、東牟侯興居、有功、可王、乃遂立

辟彊爲河間王、章爲城陽王、興居爲濟北王、因立
子武爲代王、參爲太原王、揖爲梁王、五月詔曰、古之
治天下、朝有進善之旌、誹謗之木、所以通治道而來
諫也、今法有誹謗、詆言之罪、是使衆臣不敢盡情、而
上無由聞過失也、將何以來遠方之賢良、其除之、民
或祝詛上、以相約、而後相謾、吏以爲大逆、其有他言、
吏又以爲誹謗、此細民之愚、無知抵忤、朕甚不取、自
今以來、有犯此者、勿聽治、九月、賜天下民今年田租
之半、仍親率羣臣、農以勸之、三年、詔曰、前日詔遣列

侯之國或辭未行丞相朕之所重其爲朕率列侯之
國遂免丞相勃遣就國五月匈奴入居北地河南爲
寇上幸甘泉遣丞相灌嬰擊匈奴匈奴去上自甘泉
之高奴因幸太原畱游十餘日濟北王興居聞帝之
代乃反於是詔以棘蒲侯柴武爲大將軍擊之八月
虜濟北王興居自殺赦諸與興居反者四年封齊悼
惠王子七人爲列侯六年淮南王長謀反廢遷蜀嚴
道。灰。雍。八。年。封。淮。南。厲。王。長。子。四。人。爲。列。侯。十。二。年。
春。出。孝。惠。皇。帝。后。宮。美。人。令。得。嫁。三。月。賜。農。民。今。年。

租稅之半。十三年除肉刑法。十四年匈奴寇邊。殺地都尉卬上親勞軍。勒兵申教。令賜吏卒。自欲征。好奴羣臣諫不聽。皇太后固要。乃止。於是。以東陽侯張相如爲大將軍。擊匈奴。匈奴遁去。其春詔曰。朕獲執犧牲珪幣。以事上帝宗廟。十四年矣。以不敏不明。而久撫臨天下。朕甚自媿。昔先王遠施。不求其報。望祀不祈。其福右賢左戚。先民後已。至明之極也。今開祠宮。祝釐皆歸。福於朕。妙不爲百姓。夫以朕之不德。而專鄉獨美。其福百姓不與焉。是重吾不德也。其令祠。

官致敬無有所祈十五年黃龍見於成紀詔議郊祀
公孫臣明服色新垣平設五廟夏上幸雍始郊見五
帝修名山大川嘗祀而絕者有司以歲時致禮十六
年立齊悼惠王子六人淮南厲王子三人皆爲王秋
九月得玉杯刻曰人主延壽明年改元後元年新垣
平詐覺謀反夷三族詔曰間者數年比不登又有水
旱疾疫之災朕甚憂之愚而不明未達其咎意者朕
之政有所失而行有過與乃天道有不順地利或不
得人事多失和鬼神廢不享與何以致此將百官之

奉養或費無用之事或多與其民食之寡乏也
度田非益寡而計民未加益以口量地其於古猶有
餘而食之甚不足者其咎安在無乃百姓之從事於
末以害農者蕃爲酒醪以靡穀者多六畜之食焉者
衆與細大之義吾未能得其中其與丞相列侯吏二
千石博士議之有可以佐百姓者率意遠思無有所
隱後二年匈奴和親詔曰朕旣不明不能遠德使方
外之國或不寧息夫四荒之外不安其生封圻之內
勤勞不處二者之咎皆自於朕之德薄而不能達遠

也。問者累年匈奴並暴邊境多殺吏民夫久結難連
兵中外之國將何以自寧故遣使者冠蓋相望結轍
於道以諭朕志於單于今單于反古之道計社稷之
安便萬民之利新與朕俱棄細過偕之大道結兄弟
之義以全天下元元之命和親以定始于今年後六
年匈奴三萬騎入上郡三萬騎入雲中以河內太守
周亞夫爲將軍次細柳及宗正劉禮等爲將軍次霸
上等處以備胡後七年夏六月帝崩葬霸陵遺詔曰
朕聞之萬物之生靡不有死當今之世咸嘉生而不

歿厚葬以破業重服以傷生吾甚不取且朕既不
無以佐百姓今崩又使重服久臨以罹寒暑之數茲
人之父子損其飲食絕其祭祀謂天下何朕獲保宗
廟以眇眇之身託于天下君王之上二十有餘年矣
今乃幸以天年得復僕養于高廟朕之不明與嘉之
其奚哀念之有其今天下吏民令到出臨三日皆釋
服無禁取婦嫁女祠祀飲酒食肉者自當給喪事服
臨者皆無踐經帶無過三寸無布車及兵器無發民
哭臨宮殿官殿中當臨者皆以旦夕各十五舉聲非

身崩念在民真仁人誠真聖主哉

旦夕臨時禁無得擅哭以下服大紅十五日小紅十四日繼七日釋服霸陵山川因其故無有所改歸夫人以下至少使班氏曰孝文皇帝卽位二十三年宮室苑囿車騎服御無所增益有不便輒弛以利民嘗欲作露臺名匠計之直百金上曰百金中人十家之產也吾奉先帝宮室常恐羞之何以臺爲身衣弋絺所幸慎夫人衣不曳地帷帳無文繡治霸陵皆瓦器不得以金銀銅錫爲飾因其山不起墳南越尉佗自立爲帝名貴佗兄弟以德懷之佗遂稱臣與匈奴結

和親後而背約入盜。只令邊備守。不肖發兵深入。王詐病不朝。賜以几杖。張武等受賂金錢。覺更加賞。賜以媿其心。專務以德化民。是以海內殷富。興於禮義。斷獄數百。幾致刑措焉。李生曰。歷代詔令。多文飾。惟孝文詔書。字字出肺腸。讀之令人深快。予故備載之。孝文深得退一步法。自然脚跟穩實。故其詔令不虛也。學者未知黃帝老子之實。謂之異端。楊朱氏能令天下禍敗。吁。請細觀焉。母但哺前人糟粕也。景帝卽位之元年。詔曰。功莫大於高皇帝。德莫盛於

孝文皇帝高皇帝宜爲帝者太祖之廟孝文皇帝宜
爲帝者太宗之廟天子宜世世獻祖宗之廟三年吳
王濞膠西王卬楚王戊趙王遂濟南王辟光菑川王
賢膠東王雄渠皆舉兵反遣太尉亞夫大將軍竇嬰
將兵擊之斬吳王濞於丹徒膠西王卬等皆自殺四
年夏立皇子榮爲皇太子徹爲膠東王七年春廢皇
太子榮爲臨江王四月立膠東王徹爲皇太子後元
年條侯周亞夫下獄死三年帝崩在位十六年班氏
曰孔子稱斯民三代之所以直道而行也信哉周秦

之敝網密山文峻而姦充不勝漢興掃除煩苛與民休息至于孝文加以恭儉孝景遵業五六十一年之間至於移風易俗黎民淳厚周云成康漢言文景美矣董份曰太史深服文帝故未復總敘其德化海內殷富二句結盡孝文功效矣

英雄繼創

孝武皇帝

孝武皇帝，景帝第十子也。建元元年冬十月，詔丞相御史列侯中二千石、二千石、諸侯相、舉賢良方正直言極諫之士，遣使者安車蒲輪束帛加璧徵魯申公。三年，閩越圍東甌，東甌告急，遣中大夫嚴助持節發會稽兵，浮海救之，未至，閩越走，兵還。五年，置五經博士。六年，閩越王郢攻南越，遣大行王恢將兵出豫章，大司農韓安國出會稽擊之，未至，越人殺郢，降兵還。

元光二年冬，行幸雍，祠五畤。春，詔問公卿曰：「朕飾子女以配單于，金幣文繡賂之甚厚，單于待命加嫚，侵盜亡已，邊境被害，朕甚閔之。今欲舉兵攻之，何如？」大行王恢建議宜擊，乃以御史大夫韓安國爲護軍將軍，衛尉李廣爲驍騎將軍，太僕公孫賀爲輕車將軍，大行王恢爲將屯將軍，大中大夫李息爲材官將軍，將三十萬衆屯馬邑谷中，誘致單于，欲襲擊之。單于入塞，覺之，走出。六月，軍罷。將軍王恢坐首謀不進，下獄死。六年，匈奴入上谷，殺略吏民，遣車騎將軍衛青

出上谷騎將軍公孫敖出代輕車將軍公孫賀出雲
中驍騎將軍李廣出鴈門青至龍城獲首虜七百級
廣敖失師而還元朔元年冬詔曰公卿大夫所使總
方略壹統類廣教化美風俗也夫本仁祖義褒德錄
賢勸善刑暴五帝三王所繇昌也朕夙興夜寐嘉與
宇內之士臻於斯路故旅耆老復孝敬選豪俊講文
學稽叅政事祈進民心深詔執事興廉舉孝庶幾成
風紹休聖緒夫十室之邑必有忠信三人並行厥有
我師今或至闔郡而不薦一人是化不下究而積行

之君子。雍於上。聞也。二千石官長。紀綱人倫。將何以
佐朕燭幽隱。勸元元。厲蒸庶。崇鄉黨之訓哉。且進賢
受上賞。蔽賢蒙顯戮。古之道也。其與中二千石禮官
博士議不舉者罪。有司奏議曰。古者諸侯貢士。壹適
謂之好德。再適謂之賢賢。三適謂之有功。乃加九錫。
不貢士。一則黜爵。再則黜地。三則黜爵地畢矣。夫附
下罔上者。死。附上罔下者。刑。與聞國政而無益於民
者。斥。在上位而不能進賢者。退。此所以勸善黜惡也。
今詔書昭先帝聖緒。令二千石舉孝廉。所以化元元。

移風易俗也。不舉孝不奉詔當以不敬論。不察廉
勝任也。當免。奏可。秋匈奴入遼西。殺太守。入漁陽。鴈
門敗都尉。殺略三千餘人。遣將軍衛青出鴈門。將軍
李息出代。獲首虜數千級。二年匈奴入上谷。漁陽。殺
略吏民千餘人。遣將軍衛青。李息出雲中。至高闕。遂
西至絳離。獲首虜數千級。收河南地。置朔方五原郡。
四年冬。行幸甘泉。夏匈奴入代。定襄。上郡。殺略數千
人。五年春。大將軍衛青將六將軍兵十餘萬人。出朔
方。高闕。獲首虜萬五千級。夏丞相公孫弘請爲博士。

置弟去員由是學者益廣秋匈奴入代殺都尉六年
春大將軍衛青將六將軍兵十餘萬騎出定襄斬首
三千餘級而還夏四月衛青復將六將軍絕幕大克
獲前將軍趙信軍敗降匈奴右將軍蘇建亡軍獨身
脫還贖爲庶人六月詔置武功賞官以寵戰士元狩
元年冬十月行幸雍祠五時獲白麟作白麟之歌十
一月淮南王安衡山王賜謀反誅黨與死者數萬人
二年冬行幸雍祠五時遣驃騎將軍霍去病出隴西
至臯蘭斬首八千餘級夏將軍去病公孫敖出北地

二千餘里過居延斬首虜三萬餘級秋匈奴入鴈門
殺略數百人遣衛尉張騫郎中令李廣皆出右北平
廣殺匈奴三千餘人盡亡其軍四千人獨身脫還及
公孫敖張騫皆後期當斬贖爲庶人是月也匈奴昆
邪王殺休屠王并將其衆合四萬餘人來降置五屬
國以處之以其地爲武威酒泉郡三年秋匈奴入右
北平定襄殺略千餘人四年夏大將軍將四將軍出
定襄將軍去病出代青至幕北圍單于斬首萬九千
級至闐顏山乃還去病與左賢王戰斬獲首虜七萬

餘級封狼居胥山乃還兩軍戰士死者數萬人前將軍廣後將軍食其皆後期廣自殺食其贖死五年春丞相李蔡有罪自殺六年秋大司馬驃騎將軍去病薨元鼎元年得鼎汾水上二年冬丞相莊青翟下獄死春起相梁臺四年冬行幸雍祠五時十一月立后土祠于汾陰脍上還至洛陽封周孽子嘉爲周子南君以奉周祀封方士欒大爲樂通侯位上將軍六月得寶鼎后土祠旁秋馬生渥洼水中作寶鼎天馬之歌五年冬行幸雍祠五時遂踰隴登空同西臨祖厲

河而還。夏四月，南越王相呂嘉反，殺漢使者。秋，遣伏波將軍路博德等將兵，并馳義侯遺別將巴蜀罪人發夜郎兵，下牂牁、江、咸會番禺。九月，丞相趙周下獄。以樂通侯樂大坐誣罔，要斬。西羌衆十萬人反，與匈奴通。六年，發隴西、天水、安定騎士，及中尉河南、河內卒十萬人，遣將軍李息、郎中令徐自爲，征西羌，平之。馳義侯遺兵未及下，便令征西南夷，遂定越地，以爲南海、蒼梧、鬱林、合浦、交趾、九真、日南、珠厓、儋耳郡。定西南夷，以爲武都、牂牁、越、雋、沈、黎、文山郡。秋，東越王

餘善反遣橫海將軍韓說中允王溫舒出會嵇樓船將軍楊僕出豫章擊之元封元年冬詔曰南越東甌咸伏其辜西蠻北夷頗未輯睦朕將巡邊垂擇兵振旅躬秉武節置十二部將軍親帥師焉行自雲陽北歷上郡西河五原出長城北登單于臺至朔方臨北河勒兵十八萬騎旌旗徑千餘里威震匈奴遣使者告單于曰南越王頭巴縣於漢北闕矣單于能戰天子自將待邊不能亟來臣服何但亡匿幕北寒苦之地爲匈奴讐焉還祠黃帝於橋山迺歸甘泉是月也

東越殺王餘善降，乃詔曰：東越險阻，反覆爲後世患，乃盡遷其民於江淮。春，行幸緱氏，詔曰：朕用事華山，至于中嶽，翌日親登嵩高，御史乘屬在廟旁，吏卒咸聞呼萬歲者三，令加增太室祠行。遂東巡海上，夏四月，還登封泰山，降坐明堂，詔以十月爲元封元年。復東巡海上，至碣石，自遼西歷北邊九原，歸于甘泉。二年春，去緱氏，遂至東萊。夏，還祠泰山，至瓠子，臨決河，命從臣將軍以下皆負薪塞河隄，作瓠子之歌，還作甘泉宮。天臺長安飛廉館，詔曰：甘泉宮內中產芝九

莖連葦其赦天下賜雲陽都百戶牛酒作芝房之歌
秋朝鮮叛遣樓船將軍楊僕左將軍荀彘將應募罪
人擊之又遣將軍郭昌中郎將衛廣發巴蜀兵平西
南夷未服者以爲益州郡三年春作角抵戲三百里
內皆來觀夏朝鮮斬其王右渠降以其地爲樂浪臨
屯玄菟真番郡四年冬行幸雍祠五畤通回中道遂
北出蕭關歷獨鹿鳴澤自代而還五年冬行南巡狩
至於盛唐望祀虞舜于九嶷登滯天柱山自尋陽浮
江親射蛟江中獲之舳艫千里薄樅陽而出作盛唐

樅陽之歌。遂北至琅邪並海。所過禮祠。其名山大川。春還至泰山。增封祠高祖于明堂。以配上帝。因朝諸侯王列侯。受郡國計。赦天下。所幸縣毋出今年租賦。秋。大司馬大將軍青薨。六年。詔曰。蓋有非常之功。必待非常之人。故馬或奔蹏而致千里。士或有負俗之累而立功名。夫泛駕之馬。跡弛之士。亦在御之而已。其令州郡察吏民舉茂材異等。堪爲將相及鎮絕國者。太初元年冬。行幸泰山。乙酉。柏梁臺災。十二月。禮高里祠。后土。東臨渤海。望祠蓬萊。二月。起建寧宮。夏。

五月正歷以正月爲歲首。色尚黃。數用五。定官名。協音律。遣因杆將軍公孫敖築塞外受降城。秋行幸安。定遣貳師將軍李廣利發天下謫民西征大宛。二年。行幸河東祠后土。秋遣浚稽將軍趙破奴二萬騎出朔方擊匈奴不還。三年春行東巡海上夏還修封泰山。禮石間。四年春貳師將軍廣利斬大宛王首獲汗血馬來作西極天馬之歌。冬行幸回中。天漢元年春行幸甘泉郊泰畤。二年春行幸東海還幸回中夏貳師將軍三萬騎出酒泉與右賢王戰于天山斬首虜

萬餘級。又遣因杆將軍出西河，騎都尉李陵將步兵
五千人出居延北，與單于戰，斬首虜萬餘級。陵兵敗，
降匈奴。是月也，泰山琅邪羣盜徐勃等阻山攻城，遣
直指使者暴勝之等衣繡衣，杖斧，分部逐捕。刺史郡
守以下皆伏誅。三年春，行幸泰山，修封祀，明堂因受
計，還幸北地祠常山，瘞玄玉，赦天下。行所過毋出田
租。秋，匈奴入鴈門。四年，發天下七科，謫及勇敢士，遣
貳師將軍李廣利將兵萬騎，步兵七萬人出朔方。因
杆將軍公孫敖萬騎，步兵三萬人出鴈門游擊將軍

韓說步兵三萬人出五原彊弩都尉路博德兵六萬
餘人與貳師會廣利與單于戰余吾水上敖左賢
王戰不利皆引還太始三年行幸東海獲赤鱓作赤
鴈之歌幸琅邪禮日成山登之罘浮大海山靈萬歲
冬賜行所過戶五千錢鰥寡孤獨帛人一匹四年春
行幸泰山夏四月幸不其祠神人于交門宮若有鄉
坐拜者作交門之歌征和元年春還行幸建章宮二
年春丞相賀下獄歿三年春行幸雍至安定北地匈
奴入五原酒泉殺兩都尉三月遣貳師將軍廣利等

七萬人出五原廣利敗降匈奴六月丞相屈釐下獄
要斬妻子梟首四年春行幸東萊臨大海後元元年
春正月行幸甘泉郊泰畤遂幸安定二年春二月立
皇子弗陵爲皇太子丁卯帝崩葬茂陵在位五十四
年

守成明辟

孝昭皇帝

孝昭皇帝武帝少子也。母曰趙婕妤。本以有奇異得幸。及生帝亦奇異。後元二年立爲太子。年八歲。以侍中奉車都尉霍光爲大司馬大將軍受遺詔輔少主。明日武帝崩。太子卽皇帝位。大將軍光秉政。領尚書事。車騎將軍金日磾。左將軍上官桀副焉。始元元年車騎將軍日磾薨。元鳳元年鄂邑長公主燕王旦與左將軍上官桀。桀子驃騎將軍安。御史大夫桑弘羊。

皆謀反伏誅時帝年十四能知其詐深信大將軍光
語在光傳二年詔曰朕聞百姓未贍前年減漕三百
萬石頗省乘輿馬及苑馬以補邊郡三輔傳馬其令
郡國毋斂今年馬口錢三輔太常郡得以菽粟當賦
三年春泰山有大石自起立上林有柳樹枯僵自起
生元平元年夏四月帝崩葬平陵在位十三年

守成令主

孝宣孝帝

孝宣皇帝武帝曾孫戾太子孫也太子納史良娣生
史皇孫皇孫納王夫人生宣帝號曰皇曾孫生數月
遭巫蠱事太子良娣皇孫王夫人皆遇害曾孫雖在
襁緥猶坐收繫郡邸獄時丙吉爲廷尉監治巫蠱郡
邸獄故曾孫賴吉得全因遭大赦吉迺載曾孫送祖
母史良娣家後有詔掖庭養視上屬籍宗正掖庭令
張賀嘗事戾太子思顧舊恩哀曾孫奉養甚謹嘗以

私錢供給教書既壯爲取暴室僭夫許廣漢女曾孫
因依倚廣漢兄弟及祖母家史氏受詩於東海復中
翁高材好學然亦喜游俠鬪雞走馬以此具知閭里
奸邪吏治得失數上下諸陵周徧三輔常困於蓮勺
鹵中尤樂杜鄠之間率常在下杜時會朝請舍長安
尚冠里身足下有毛臥居數有光燿每買餅所從買
家輒大讐亦以是自怪至是卽皇帝位大赦天下立
皇后許氏本始元年大將軍光稽首歸政上謙讓委
任益封大將軍光萬七千戶三年春皇后許氏崩四

年春立皇后霍氏。地節二年，大司馬大將軍光薨。上始親政事，又思報大將軍功德，迺復使樂平侯山領尚書事，而令羣臣得奏封事以知下情。五日一聽事，自丞相以下各奉職奏事，以傳奏其言，考試功能。侍中尚書功勞當遷，及有異善厚加賞賜。至于子孫終不改易樞機周密，品式備具，上下相安，莫有苟且三年春，詔曰：蓋聞有功不賞，有罪不誅。雖唐虞猶不能以化天下，今膠東相王成勞來不息，流民自占八萬餘口，治有異等，其秩成中二千石，賜爵關內侯。四年

秋大司馬霍禹謀反伏誅八月皇后霍氏廢九月詔曰死者不可生刑者不可息今繫者或以掠辜若飢寒瘡死獄中何用心逆人道也其令郡國歲上繫囚以掠笞若瘦死者所坐名縣爵里丞相御史課殿最以聞元康二年春立皇后王氏四年詔諸年八十以上非誣告殺傷人者他皆勿坐神爵元年詔曰朕承宗廟戰戰栗栗惟萬事統未燭厥理迺元康四年嘉穀玄稷降于郡國神爵乃集金芝九莖產于函德殿銅池中九真獻奇獸南郡獲白虎威鳳爲寶東濟大

河天氣清靜神魚舞河幸萬歲宮神爵翔集朕之下
德懼不能任其以五年爲神爵元年是年西羌反從
將軍充國言屯田之計二年羌虜降服置金城屬國
以處降羌秋匈奴日逐王先賢揮將人衆萬餘來降
使都護西域騎都尉鄭吉迎日逐破車師九月匈奴
單于遣名王奉獻賀正月始和親三年春起樂游苑
秋八月詔曰吏不廉平則治道衰今小吏皆勤事而
奉祿薄欲其毋侵漁百姓難矣其益吏百石以下奉
十五四年春潁川太守黃霸以治行尤異秩中二千

石賜爵關內侯黃金百斤五月匈奴單于遣弟呼雷
若王勝之來朝五鳳二年匈奴呼遼累單于帥眾來
降封爲列侯四年匈奴單于稱臣遣弟谷蠡王入侍
以邊塞少寇減戍卒什二大司農中丞耿壽昌奏設
常平倉以給北邊省轉漕賜爵關內侯甘露元年匈
奴呼韓邪單于遣子右賢王銖婁渠堂入侍匈奴單
于遣弟左賢王來朝三年春正月行幸甘泉郊泰畤
匈奴呼韓邪單于稽侯獠來朝贊謁稱藩臣而不名
二月單于罷歸遣長樂衛尉高昌侯忠等將萬六千

送單于單于居幕南保光祿城詔北邊振穀食
支單于遠遁匈奴遂定是年詔諸儒講五經同異太
子太傅蕭望之等平奏其議上親稱制臨決乃立梁
丘易大小夏侯尚書穀梁春秋博士黃龍元年冬十
二月帝崩葬杜陵在位二十五年

元帝之母共哀許皇后也宣帝微時生民間年三歲
宣帝卽位八歲立爲太子太子柔仁好儒見宣帝所
用多文法吏好以刑名繩下大臣楊惲蓋寬饒等坐
刺譏辭語而誅嘗侍燕從容言曰陛下持刑太深宐

周儒生宣帝作色曰漢家自有制度本以霸王道雜○千○古○不○易○之○一○談○之奈何純任德教用周政乎且俗儒不達時宜好是古非今使人眩於名實不知所守何足委任乃歎曰亂我家者太子也繇是疏太子而愛淮陽王曰淮陽王明察好法宜爲吾子而王母張婕妤尤幸上有意欲用淮陽王代太子然以少依許氏俱從微起終不忍背久之拜韋玄成爲淮陽中尉以玄成常讓爵於兄欲以感諭憲王由是太子遂安宣帝崩太子卽皇帝位初元元年立皇后王氏二年冬詔曰國之將興

尊師而重傅，故前將軍望之、傅朕八年，道以經書，朕
功茂焉。其賜爵關內侯，食邑八百戶。朝朔望，十二月
中書令弘恭、石顯等譖望之，令自殺。三年，珠厓郡山
南縣反，待詔賈捐之，以爲空棄珠厓，乃罷珠厓。永光
四年，以渭城壽陽亭部原上爲初陵，詔曰：安土重遷，
黎民之性，骨肉相附，人情所願也。頃者有司奏徙郡
國民以奉園陵，令百姓遠棄先祖墳墓，破業失產，親
戚別離，非人情也。今所爲初陵者，勿置縣邑，建昭三
年秋，護西域騎都尉甘延壽、副校尉陳湯，擣發戊巳

校尉屯田吏士及西域胡兵攻郅支單于斬其首傳詣京師縣蠻夷邸門竟寧元年詔曰匈奴郅支單于背叛禮義既伏其辜呼韓邪單于不忘恩德復修朝賀之禮願保塞傳之無窮邊垂長無兵革之事其改元爲竟寧賜單于待詔掖庭王嬙爲閼氏五月帝崩在位十六年班彪贊曰臣外祖兄弟爲元帝侍中語臣曰元帝多材藝善史書鼓琴瑟吹洞簫自度曲被歌聲分判節度窮極幼眇少而好儒及卽位徵用儒生委之以政貢薛韋匡迭爲宰相雖寬弘盡下出於

恭儉號令溫雅有古之風然牽制文義優游不斷
宣之業衰矣

成帝母曰王皇后元帝在太子宫生甲觀畫堂爲世
嫡皇孫宣帝愛之字曰太孫常置左右年三歲而宣
帝崩元帝卽位帝爲太子初居桂宮上嘗急召太子
出龍樓門不敢絕馳道西至直城門得絕乃度還入
作室門上遲之問其故以狀對上大說乃著令令太
子得絕馳道云其後幸酒樂燕樂上不以爲能而定
陶恭王有材藝母傅昭儀又愛幸上以故常有意欲

以恭王爲嗣。賴侍中史丹護太子家。輔助有力。上亦以先帝尤愛太子。故得無廢。元帝崩。太子卽皇帝位。以元舅侍中衛尉陽平侯王鳳爲大司馬大將軍。領尚書事。建始元年。賜舅王譚商立根。逢時爵關內侯。六月。有青蠅無萬數。集未央宮殿中。朝者坐。八月。有兩月相承。晨見東方。河平二年。封舅譚商立根。逢時皆爲列侯。三年。光祿大夫劉向校中祕書。謁者陳農使使求遺書於天下。四年。匈奴單于來朝。鴻嘉元年。上始爲微行。出二年。春。行幸雲陽。博士行飲酒禮。有

雉。蜚集于庭。歷階升堂。而雉三年。皇后許氏廢。永始
元年。封婕妤。趙氏父臨。爲城陽侯。封舅曼子。侍中。騎
都尉。光祿大夫。王莽爲新都侯。六月。立皇后趙氏。三
年。尉氏男子樊並等十三人謀反。山陽鐵官徒蘇令
等二百二十八人。攻殺長吏。盜庫兵。自稱將軍。元延
元年。昭儀趙氏善。後宮皇子。二年。行幸長楊宮。從胡
客大校獵。綏和元年。詔曰。朕奉宗廟二十五年。至今
未有繼嗣。定陶王欣於朕爲子。慈仁孝順。可以承天
序。繼祭祀。其立欣爲皇太子。二年。帝崩。在位二十六

年班彪贊曰臣之姑充後宮爲婕妤父子昆弟侍帷
幄數爲臣言成帝善修容儀升車正立不內顧不疾
言不親指臨朝淵嘿尊嚴若神謂、出、一、个、道、學、先、生、可謂穆穆天子之容
矣博覽古今容受直辭公卿稱職奏議可述遭世承
平上下和睦湛于酒色趙氏內亂外家擅朝言之可
爲於邑者也建始以來王氏始執國命哀平短祚莽
遂篡位蓋其威福所由來者漸矣

哀帝元帝第二子定陶恭王長子也帝親孝成之世
祿去王室屢誅大臣欲彊主威以則武宣然寵信讒

諂。憎。疾。忠。直。安。能。彊。乎。在。位。六。年。享。國。不。永。哀。哉。
平。帝。元。帝。第。三。子。中。山。孝。王。長。子。也。年。九。歲。卽。位。五。
年。王。莽。鴆。弒。之。

篡弒盜賊

王莽

王莽字巨君，孝元后之弟子也。父曼蚤死不侯，莽羣兄弟皆將軍。五侯子乘時侈靡，以輿馬聲色佚遊相高。莽獨孤貧，因折節爲恭儉，勤身博學，被服如儒生。西、出、一、个、道、學、先、生、外交英俊，內事諸父，曲有禮意。陽朔中，世父大將軍鳳病，莽侍疾，親嘗藥，亂首垢面，不解衣帶者連月。鳳且歿，以託太后及帝，拜爲黃門郎，遷射聲校尉。久之，叔父成都侯商上書願分戶邑以封莽，及長樂少府

戴崇中郎陳湯等皆當時名士咸爲莽言上由是賢
莽永始元年封新都侯國南陽新野之都鄉千五百
戶遷騎都尉侍中爵位益尊妙人節操愈厲散輿馬衣裘
振施賓客收贍名士交結將相卿大夫甚衆故在位
更推薦之是時大司馬曲陽侯根乞骸骨薦莽自代
上遂擢爲大司馬莽旣拔出同列繼四父而輔政欲
令名譽過前人賞賜邑錢悉以享士愈爲儉約輔政
歲餘成帝崩哀帝卽位莽杜門自守其中子獲殺奴
共報一子勿責獲令自殺在國三歲吏民上書冤訟莽者以

百數賢良周護宋崇等對策深訟莽於是徵莽
哀帝崩無子太皇太后卽日遣使者馳召莽詔尚書
諸發兵符節百官奏事中黃門期門兵皆屬莽拜莽
爲大司馬使迎中山王奉成帝後是爲平帝帝年九
歲太后臨朝稱制委政於莽莽以大司徒孔光名儒
相三主太后所敬信乃盛尊事光而引光女婿甄邯
爲侍中奉車都尉於是附順者拔擢忤恨者誅滅王
舜王邑爲腹心甄豐甄邯主擊斷平晏領機事劉歆
典文章孫建爲牙爪豐子棗歆子棻涿郡崔發南陽

陳崇皆以材能幸於莽。莽色厲而言方，欲有所爲。徼見風采，黨與承其指意而顯奏之。莽卽稽首涕泣，固推讓。上以惑太后，下以示信於衆庶，始風益州，令塞外蠻夷獻白雉。羣臣因奏言：太后委任大司馬莽，定策安宗廟，故大司馬霍光有安宗廟之功，益封三萬戶，疇其爵邑。比蕭相國，莽宜如光故事。太后問公卿曰：誠以大司馬有大功，當著之邪？將以骨肉故，欲異之也？於是羣臣乃盛陳莽功德，言莽有定國安漢家之大功，宜賜號曰安漢公，以故蕭相國甲第爲安漢。

公第於是莽受太傅安漢公號讓還益封也。虧、孟、堅、楷。云願須百姓家給然後加賞莽既說衆意又欲專知太后厭政乃風公卿奏言太后不宜親省小事惟封爵乃以聞他事安漢公四輔平決莽又欲以虛名說太后因上書願出錢百萬獻田三十頃欲大司農助給貧民每有水旱莽輒素食所以誑耀媚事太后下至旁側長御方故薦端莽又欲以女配帝爲皇后奏言乃者國家之難本從亡嗣配取不正請考論五經博采二王後及周公孔子世列侯在長安者適子

女事下有司。上衆女名。王氏女多在選中。莽恐其與已女爭。卽上言身亡德子材下。不宜與衆女並采。太

此○處○似○有○于○卷○之○卷○

后以爲至誠。乃下詔曰。王氏女朕之外家。其勿采。公卿大夫咸言。安漢公盛勳堂堂。今當立后。願得公女爲天下母。莽遣長史以下分部曉止公卿及諸生。而上書者愈甚。太后不得已。聽公卿采莽女。遂立爲皇后。初莽白太后。以帝幼年奉太宗爲成帝。後宜明一統之義。以戒前事。遣甄豐奉璽綬。卽拜帝母衛姬爲中山孝王后。賜帝舅衛寶寶弟玄爵關內侯。皆畱中。

山不得至京師，恐其與已爭權也。莽子宇以莽臨
衛氏，恐帝長大後見怨，卽私遣人與寶等通書，教令
帝母上書求入莽，不聽。宇與婦兄呂寬議以爲莽不
可諫而好鬼神，可爲變怪以驚懼之。即使寬夜持血
灑莽第門，吏發覺，莽執宇送獄，飲藥死。宇妻懷子繫
獄，須產子已，殺之。莽奏言：宇爲呂寬等所誣，誤流言
惑衆，與管、蔡同罪，臣不敢隱其誅。莽因是誅滅衛氏，
窮治呂寬之獄，連引郡國豪傑，素非議已者，死者以
百數。海內震焉。五年冬，平帝疾，莽作策請命於秦時。

戴璧秉珪願以身代藏策金滕置于前殿作偏勅諸公勿

敢言十二月平帝崩時元帝世絕而宣帝曾孫有見
王五人列侯四十八人莽惡其長大曰兄弟不得相
爲後乃選玄孫中最幼廣戚侯子嬰年二歲託以爲
卜相最吉是月前輝光謝囂奏武功長孟通浚井得
白石上圓下方有丹書著石文曰告安漢公莽爲皇
帝符命之起自此始矣莽使羣公以白太后太后曰
此誣罔天下不可施行太保王舜謂莽非敢有也但
欲稱攝以重其權鎮服天下耳明年改元曰居業

攝元年安衆侯劉崇與相張紘謀曰安漢公專制朝政必危劉氏天下非之者莫敢先舉此宗室恥也吾帥宗族爲先海內必和紘等從者百餘人遂進攻宛不得入而敗羣臣復白劉崇等謀逆者以莽權輕也好說宜尊重以鎮海內五月太后詔莽朝見太后稱假皇帝二年九月東郡太守翟義立嚴鄉侯劉信爲天子移檄郡國言莽毒殺平帝攝天子位今共行天罰誅莽衆十餘萬莽惶懼不能食晝夜抱孺子告禱郊廟何故好名作此偏人也放大誥作策十二月王邑等破翟義於圍莽旣滅翟

義自謂威德日盛，獲天人助，遂謀卽真之事矣。初翟
義等舉兵欲誅莽，太后聞之曰：「人心不相遠也。我雖
婦人，亦知莽必以是自危。其後莽遂以符命自立爲
真皇帝，以居攝三年，爲初始元年，改號曰新。先奉諸

不○必○驚○矣

符瑞以白太后。太后大驚。初，漢高祖入咸陽，秦王子
嬰降，奉上始皇璽。高帝卽位，因御服其璽。世世傳受，
號曰漢傳國璽。以孺子未立，璽藏長樂宮。及莽卽位，
請璽。太后不肯授莽。莽使安陽侯舜諭指，舜素謹，敕
太后雅愛信之。舜旣見太后，知其爲莽，求璽，怒罵之。

曰爾屬父子宗族蒙漢家力富貴累世既無以報
人孤寄乘便利時奮取其國不復顧恩義人如此者
猪狗不食其餘天下豈有爾兄弟耶且若自以金匱
符命爲新皇帝變更正朔服制亦當自更作璽傳之
萬世何用此亡國不祥璽爲而欲求之我漢家老寡
婦旦暮且歿欲與此璽俱葬終不可得太后因涕泣
而言旁側長御以下皆垂涕舜亦悲不能自止良久
乃仰謂太后臣等已無可言者莽必欲得傳國璽太
后寧能終不與邪太后聞舜語切恐莽欲脇之乃出

漢傳國璽投之地以授舜曰我老已久知而兄弟今
族滅也莽既得傳國璽又欲改太后漢家舊號易其
璽綬恐不見聽而莽疎屬王諫欲諂莽上書言皇天
廢去漢而命立新室太皇太后不宜稱尊號當隨漢
廢以奉天命莽乃車駕至東宮親以其書白太后太
后曰此言是也莽因曰此詩德之臣也罪當誅於是
遣軍張永獻符命言太皇太后當為新室文母太皇
太后莽乃率羣公奉上皇太后璽綬鳩殺王諫而封
張永為貢符子初莽為安漢公時又諂太后奉尊元

帝廟爲高宗太后昇駕後當以禮配食云及莽改號
太后爲新室文母絕之於漢墮壞孝元廟更爲文母
太后起廟獨置孝元廟故殿以爲文母寢食堂旣成
名曰長壽宮莽以太后好出遊觀乃車駕置酒長壽
宮請太后旣至見孝元廟廢徹塗地太后驚泣曰此
漢家宗廟皆有神靈與何治而壞之且使鬼神無知
又何用廟爲如令有知我乃人之妃妾豈宜辱帝之
堂以陳食哉私謂左右曰此人媢神多矣能久得
祐乎飲酒不樂而罷太后沒年八十四沒後十年而

漢兵誅莽孺子嬰三年莽篡位十八年而更始代之
九二年而光武卽皇帝位

乘亂草竊

公孫述

公孫述字子陽扶風人也王莽天鳳中爲導江太守居臨邛有能名及更始立豪傑各起兵應漢南陽人宗成自稱虎牙將軍略漢中郡商人王岑自稱定漢將軍殺王莽庸部牧以應成衆合數萬述聞之遣使迎成成等至虜掠暴橫述不能堪乃召縣中豪傑謂曰天下同苦新室復思劉氏故聞漢將軍到皆歡喜奉迎今百姓無辜婦子繫獲室屋燒燔此寇賊耳吾

欲保郡自守以待真主。諸卿欲并力者，卽畱不欲者，便去。皆叩頭曰：願效死。述乃使人詐稱漢使者，自東方來，假述益州牧印綬。述卽選兵西擊成等，大破之。而降其衆。二年秋，更始遣將徇蜀。漢述恃其地險，衆附，欲自立。乃使其弟恢於綿竹大破擊更始之將。由是威震益部。自立爲蜀王。都成都。蜀地肥饒，述見兵力精彊，遠方士庶多往歸附。邛笮君長亦來貢獻。建武元年，述遂稱帝。初，世祖積苦兵間，以隗囂遣子內侍。公孫述遠據邊陲，謂諸將曰：且當置此兩子於度。

外後又謂岑彭曰人苦不知足既得隴復望蜀耶
一發兵頭鬚爲白因休諸將於洛陽分軍士於河內
敕騰書巴蜀告示禍福述初不答及世祖伐蜀岑彭
吳漢臧宮來歙等又水陸並進岑彭擊破侯丹臧宮
破降王元及延岑之衆馬成等遂破河池平武都述
始懼使客刺殺來歙帝仍與公孫述書示以丹青之
信述左右皆勸述降述曰廢興命也○年○推○乙豈有降天子哉
冬十月述又使刺客詐爲亡奴降岑彭夜刺殺彭十
二年春吳漢破公孫述將于魚涪津因入犍爲界諸

縣皆城守，詔漢直取廣都，據其腹心。漢乃進軍攻廣都，拔之，遣輕騎燒成都市橋。公孫述將相皆恐，日夜叛述而去。帝必欲降述，復下詔諭之曰：「勿以來歎岑彭受害，自疑。今以時自詣，則宗族可完。述終無降意。」冬十一月，公孫述引兵出戰，吳漢利殺之。延岑乃以成都降，蜀地平。吳漢夷述妻子，盡滅公孫氏，而族延岑。放兵大掠，焚燒官室，帝聞大怒，遣人譴漢，又讓其何也副劉尚曰：「城降三日，吏人從服，孩兒老母，口以萬數，一旦放兵縱火，何以爲心。」尚宗室子孫嘗更吏職，乃

亦行此耶蜀平後帝以任延爲武威郡戒之曰善
上官無失名譽延曰臣聞忠臣不私私臣不忠履正
奉公臣子之節上下雷同非陛下之福善事上官臣
不敢奉詔帝歎曰卿言是也十三年詔封鄧禹爲高
密侯食四縣李通爲固始侯賈復爲膠東侯食六縣
帝欲完功臣爵土不令以吏職爲過遂罷左右將軍
官耿弇亦上大將軍印綬皆以列侯就第加位特進
奉朝請賈復爲人剛毅方直多大節旣還私第闔門
養威重朱祐等薦復堪宰相帝方以吏事責三公故

大是

功。臣。並。不。用。是。時。列。侯。唯。高。密。固。始。膠。東。三。侯。與。公。卿。參。議。大。事。

藏書世紀卷四

聖主重興

漢世祖皇帝

世祖光武皇帝諱秀字文叔南陽白水鄉人高祖九世孫也出自景帝生長沙定王發發生春陵節侯以至南頓令欽欽生光武光武身長七尺三寸美鬚眉大口隆準日角勤於稼穡而兄伯升好俠養士常非笑光武比之高祖兄仲王莽地皇三年光武避吏新野因賣穀於宛宛人李通等以圖讖說光武云劉氏

復起李氏爲輔光武初不敢當然獨念天下方亂於是乃與李通從弟軼等謀起兵時年二十八矣光武遂將賓客還春陵時伯升已會衆起春陵春陵子弟恐懼皆亡逃自匿曰伯升殺我及見光武絳衣大冠皆驚曰謹厚者亦復爲之乃稍自安伯升於是招新市平林兵與其帥西擊長聚光武初騎牛殺新野尉乃得馬進攻棘陽拔之更始元年漢軍大破莽兵於泚水西伯升又破莽納言嚴尤將軍陳茂兵於滎陽進圍宛城二月立劉聖公爲天子伯升爲大司徒光

武爲太常偏將軍，三月光武別與諸將徇昆陽。鄧
皆下之，多得牛馬財物穀數十萬斛，轉以饋宛下。
莽大懼，遣王尋、王邑將兵百萬，甲士四十二萬，復與
嚴尤、陳茂合，盡驅諸猛獸虎豹犀象之屬，以助威武。
諸將見尋、邑兵盛，反馳入昆陽，皆惶怖欲散走。光武
曰：「今兵穀旣少，而外寇彊大，并力禦之，或可立功。如
欲分散，勢無兩全。且宛城未拔，不能相救。昆陽卽破，
諸部亦滅。今不同心，膽其舉功名，反欲守妻子財物，
邪？」諸將咸怒曰：「劉將軍何敢如是！」會候騎還言大兵

且至城北軍陳數百里不見其後諸將遽相謂曰更請劉將軍計之光武復爲圖畫成敗諸將皆曰諾時城中僅有八千餘人光武乃使大將軍王常畱守乘夜與李軼等十三騎出城南外收兵時莽軍到城下者且十萬光武幾不得出既至郾定陵悉發諸營兵而諸將貪惜財貨欲分畱守之光武曰今若破敵珍瑤萬倍如爲所敗首領無餘何財物之有衆乃從六月光武遂與營部俱進自將步騎千餘前去大軍四五里而陳尋邑亦遣兵數千合戰光武奔之斬首數

十級諸部喜曰劉將軍平生見小敵怯今見大敵甚可怪也光武復進尋邑兵却諸部共乘之斬首百千級時伯升拔宛已三日而光武不知乃僞使持書報城中云宛下兵到而陽墮其書令尋邑得之諸將既經累捷膽氣益壯無不一當百光武乃與敢死者三千人從城西水上衝其中堅尋邑陳亂乘銳崩之遂殺王尋城中亦鼓譟而出中外合勢震呼動天地莽兵大潰走者相騰踐奔殪百餘里會大雷風屋瓦皆飛雨下如注滄川盛溢虎豹皆股戰士卒爭赴

溺歿者以萬數。水爲不流。王邑嚴尤陳茂輕騎乘歿人渡水逃去。盡獲其軍實輜重車甲珍寶不可勝算。光武因復徇下潁陽。會伯升爲更始所害。光武自父城馳詣宛稱謝。司徒官屬來迎弔。光武惟深引過不敢自言。昆陽之功。又不敢爲伯升服喪。飲食語笑如平常。更始以是慙。拜光武爲破虜大將軍。封武信侯。九月。三輔豪傑共誅王莽。傳首詣宛。更始乃議都洛陽。以光武行司隸校尉。前去整修官府。光武致僚屬作文移從事司察。一如舊章。時三輔吏士東迎更始。

見諸將過皆冠幘而服婦人衣莫不笑之及見司隸僚屬皆歡喜不自禁老吏或垂涕曰不圖今日復見漢官威儀由是識者皆屬心焉及更始至洛陽復遣光武行大司馬事持節北渡河鎮慰州郡光武所到考察黜陟平遣囚徒除王莽苛政復漢官名吏人喜悅爭持牛酒迎勞進至邯鄲會王子林詐以卜者王郎爲成帝子子輿立爲天子都邯鄲遣使者降下郡國光武以王郎新盛乃北徇薊王郎移檄購光武十萬戶而故廣陽王子劉接起兵薊中以應郎城內擾

亂轉相驚恐言邯鄲使者方到二千石以下皆出迎
於是光武趣駕南轅晨夜不敢入城邑舍食道傍至
饒陽官屬皆乏食光武乃自稱邯鄲使者入傳舍傳
吏方進食從者飢爭奪之傳吏疑其詐乃椎鼓給言
邯鄲將軍至光武升車欲馳既而徐還坐曰請將軍
入久乃駕去晨夜兼行蒙犯霜雪面皆破裂至滹沱
河無船王霸說言冰堅可渡至則水果合遂得渡進
至下博城西邊感不知所之有白衣老父在道旁指
曰努力信都郡爲長安守去此八十里光武卽馳趣

之信都太守任光開門出迎世祖因發勿縣得四千人先擊堂陽貫縣皆降之王莽和戎卒正邳彤亦舉郡降又昌城人劉植宋子人耿純各率宗親子弟據其縣邑以奉光武於是北降下曲陽衆稍合樂附者至有數萬人復北擊中山等處移檄邊部共擊邯鄲郡縣還復響應因入趙界拔廣阿會上谷太守耿況漁陽太守彭寵各遣其將吳漢寇恂等將突騎來助擊王郎時更始已入長安亦遣其尚書僕射謝躬討鄧光武因大饗士卒東園鉅鹿逆戰南緣斬首數千

級進圍邯鄲，連戰破之，拔其城，誅王郎，收文書，得吏人與郎交關，誦毀者數千章。光武不省，會諸將燒之。曰：「令反側子自安。」更始乃遣持節立光武爲蕭王，悉令罷兵，詣行在所。光武用耿弇議，辭以河北未平，不就徵。自是始二於更始。是時更始政亂，四方背叛。梁王劉永擅命睢陽，公孫述稱王巴蜀，李憲自立爲淮南王，秦豐自號楚黎王，張步起琅邪，董憲起東海，延岑起漢中，田戎起夷陵。又別號諸賊：銅馬、大彤、高湖、童、遵、鐵、脛、大槍、尤來、上江、青犢、五校、檀鄉、五幡、五樓。

富平獲索等各領部曲，聚合數百萬人，所在寇掠。光武先擊銅馬於鄴，追至館陶，大破之。受降未盡，而高湖重連從東南來，與銅馬餘眾合。光武復與大戰，破降之，封其渠帥爲列侯。降者猶不自安。光武知其意，勅令各歸營，勒兵乃自乘輕騎案行部陳。降者更相語曰：「蕭王推赤心置人腹中，安得不投死乎？」由是悉將降人，分配諸將，衆遂數十萬。故關西號光武爲銅馬帝云。青犢赤眉賊入函谷關，攻更始。光武乃遣鄧禹率六裨將引兵而西，以乘更始赤眉之亂。建武元

年光武北擊尤來大搶五幡於元氏連破之乘勝輕
進反爲所敗賊追急光武自投高岍遇突騎王豐下
馬授光武光武撫其肩而上顧笑謂耿弇曰幾爲虜
虜弇頻射却賊得免賊雖戰勝而素懼光武遂引去
大軍復進至安次與戰破之賊入漁陽光武遣吳漢
率耿弇陳俊馬武等追戰于潞東及之平谷復大破
之於是諸將議上尊號光武大驚至中山諸將復請
光武不聽行到南平棘諸將復固請光武曰寇賊未
平四面受敵何據欲正號位乎耿純進曰天下士大

夫捐親戚棄土壤從大王於矢石之間者固望其
龍鱗附鳳翼以成所志耳今大王留時逆衆不正號
位純恐士大夫望絕計窮則有去歸之思大衆一散
難可復合言甚誠切光武深感曰吾將思之行至鄗
彊華自關中奉赤伏符曰劉秀發兵捕不道四夷雲
集龍鬪野四七之際火爲主羣臣因復奏請光武於
是命有司設壇場於鄗南六月卽皇帝位建元爲建
武大赦天下是月赤眉立劉盆子爲天子九月赤眉
入長安更始奔高陵十月車駕入洛陽幸南宮遂定

都焉。十二月，赤眉殺更始而隗囂據隴右。二年，大司馬吳漢率九將軍擊檀鄉賊於鄴東，大破降之。秋，帝自將征五校，大破五校於義陽，降之。三年，馮異與赤眉戰於崤底，大破之。餘衆南向宜陽，帝自將征之。己亥，親勒六軍，大陳戎馬。大司馬吳漢精卒當前，中軍次之，驍騎武衛分陳左右。赤眉望見，震怖。丙午，赤眉君臣面縛奉高皇帝璽綬出降。四年，吳漢擊五校賊於箕山，大破之。五年，耿弇等與張步戰於臨淄，大破之。張步斬蘇茂以降。平齊地。六年，山東諸郡悉平。七

年帝自征隗囂九年隗囂病死衆復立囂子純爲王
十年來歙等大破隗純於落門純降隴右平十二年
吳漢率舟師伐公孫述大破公孫述將謝豐于廣都
十一月吳漢滅官與公孫述戰於成都述被創死蜀
平十三年大司馬吳漢還京十四年莎車國鄯善國
遣使奉獻十六年交趾女子徵側反郡國大姓及兵
長羣盜處處並起攻劫在所害殺長吏郡縣追討到
別解散去復屯結青徐幽冀四州尤甚冬遣使者下
郡國聽羣盜自相糾擿五人共斬一人者除其罪吏

雖逗留迴避故縱者皆勿問其牧守令長坐界內盜賊不收捕又以畏愞捐城委守者皆不問但取獲賊多少爲殿最唯蔽匿者乃罪之於是更相追捕賊並解散徙其魁帥賦田受粟使安生業自是牛馬放牧邑門不閉十七年廢皇后郭氏立貴人陰氏爲皇后甲申幸春陵置酒作樂時宗室諸母因酣悅相與語曰文叔少時謹言與人不款曲唯直柔耳今乃能如此帝聞之大笑曰吾理天下亦欲以柔道行之十八年遣伏波將軍馬援等擊交阯十九年馬援破交阯

斬徽側因擊破九真賊盡降之六月詔以皇太子
爲東海王立東海王陽爲皇太子改名莊二十一年
遣伏波將軍馬援出塞擊烏桓冬鄯善王車師王等
十六國皆遣子入侍奉獻願請都護帝以中國初定
未遑外事乃還其侍子厚加賞賜曰如諸國力不從
心東西南北自在也二十二年烏桓擊破匈奴匈奴
北徙幕南地空詔罷諸邊郡亭候吏卒二十三年高
句驪率種人詣樂浪內屬二十四年匈奴薁鞬日逐
王比遣使款五原塞求扞禦北虜二十五年烏桓大

漢書世系 卷四
九
人來朝南單于遣使詣闕貢獻奉蕃稱臣又遣其左
賢王擊破北匈奴却地千餘里伏波將軍馬援等破
武陵蠻於臨沅叛蠻悉降二十六年初作壽陵帝曰
古者帝王之葬皆陶人瓦器木車茅馬使後世之人
不知其處太宗識終始之義景帝能述遵孝道遭天
下反覆而霸陵獨完受其福豈不美哉今所制地不
過二三頃無爲山陵陂池裁令流水而已二十七年
益州郡徼外蠻夷率種人內屬北匈奴遣使詣武威
貢獻乞和親三十年鮮卑大人內屬朝賀中元元年

使司空告祠高廟曰高皇帝與羣臣約非劉氏不王

呂太后賊害三趙專王呂氏賴社稷之靈祿產伏誅

、妙、甚、

呂太后不支配食高廟薄太后母德慈仁孝文皇帝
賢明臨國子孫賴福延祚至今其上薄太后尊號曰
高皇后配食地祇遷呂太后廟于園四時二祭二
年東夷倭奴國王遣使奉獻二月帝崩在位三十三
年年六十二帝每旦視朝日側乃罷數引公卿郎將
講論經理皇太子諫曰陛下有禹湯之明而失黃老
養性之福願頤愛精神帝曰我自樂此不爲疲也初

皇考南頓君爲濟陽令，生光武於縣舍，有赤光照室，是歲縣界有嘉禾生一莖九穗，因名曰秀。及王莽篡位，忌惡劉氏，以錢文有金刀，故改爲貨泉，或以貨泉字文爲白水真人云。後望氣者蘇伯阿爲王莽使至南陽，遙望見春陵郭，惜曰：「氣佳哉！鬱鬱蔥蔥然，及始起兵，還春陵，遠望舍南，火光赫然屬天，有頃不見，王者受命，信有符乎！」

馬章和二年帝崩年三十一在位十三年帝雅好文
章褒崇儒術立白虎觀以會諸儒考詳同異稱制臨
決如石渠故事自永平建初之間公卿大夫至於郡
縣之吏咸選經明行修之人虎賁衛士皆習孝經句
奴子弟亦遣入學三代以還風化之盛未有若此者
然帝厭苛切而過於寬容故外戚寢橫竇后以無子
之故譖陷宋貴人動搖東宮廢長立幼東漢之衰自
此始矣君道貴剛柔則廢信夫范曄曰魏文帝稱明
帝察察章帝長者章帝厭明帝苛切事從寬厚盡心

孝道平徭簡賦而民賴其慶謂之長者不亦宜乎李
生曰長者無用之名也曷足貴乎況帝王哉一不剛
始矣

和帝肅宗第四子也母梁貴人爲竇皇后所譖憂卒
竇后養爲己子卽位年十歲永元元年誅竇憲在位
十七年和帝初失皇子十數後生者輒隱祕養於民
間羣臣無知者及崩乃收皇子於民間長子勝鄧后
誣以癩疾少子隆生始百餘日故迎立爲殤帝延平
元年清河王慶就國慶子祐年十三太后以帝幼弱

晉祗居清河邸。殤帝立八月而崩。鄧后臨朝。與鄧氏定策立祗爲嗣焉。

安帝祐章帝孫卽位。太后臨朝。封鄧騭及弟悝弘閭。皆爲列侯。初太后以平原王勝有痼疾而貪。殤帝孩抱養爲己子。及殤帝崩。羣臣以勝疾非痼。意咸歸之。太后恐勝終怨己。乃迎立祗爲帝。建光元年太后崩。帝少號聰明。故鄧太后立之。及長多不德。稍不可。太后意太后乃徵河間王子翼爲平原。懷王後留京師。帝乳母王聖慮有廢置常與中黃門李閏江京毀短。

太后致帝忿懼及太后崩官人有誣告太后兄弟悝
弘間謀立平原王者帝怒令有司奏悝等大逆無道
誅之而以耿貴人兄寶監羽林車騎封宦者江京
李閻等皆爲列侯閻后兄弟顯景耀並典禁兵自此
宦官弄權外戚用事雖有賢人君子不能救漢祚之
衰矣在位十九年崩閻后臨朝又欲久專國柄貪立
幼年與顯等定冊迎章帝孫濟北惠王子北鄉侯懿
爲嗣閻顯忌宦官樊豐及外戚耿寶風有司奏貶寶
爲亭侯寶自殺豐下獄死王聖母子徙鴈門而以弟

景等爲卿校並處權要威福在已

順帝安帝太子母李氏爲閭皇后所害延光三年安帝乳母王聖大長秋江京中常侍樊豐共構陷太子太子坐廢爲濟陰王明年安帝崩北鄉侯立濟陰王時方十歲以廢黜不得上殿臨梓宮因悲號不食內外哀之及北鄉侯薨閭顯等白太后祕不發喪而更徵立諸王子閉宮門屯兵自守中黃門孫程等十九人迎濟陰王卽皇帝位誅閭顯等而封程等十九人爲侯在位十九年而崩

冲帝順帝子年二歲卽位三月而崩梁太后與其兄冀定策禁中迎續立之是爲質帝年八歲

質帝聰慧冀惡之遂弑帝而立志在位一年

桓帝志蠡吾疾之長子也帝卽位梁冀以外戚專權帝與宦官單超等謀誅之自是宦官益橫雖有黃瓊陳蕃不學無術而黨錮之禍起矣在位二十一年

靈帝解瀆亭侯之子卽位竇后臨朝竇武陳蕃爲政天下名賢徵列于朝中外想望太平旣而陳竇被殺宦官專權漢祚終矣在位二十二年子辯立何太后

臨朝袁紹等勒兵入宮盡誅宦官董卓遂脇太后廢
辯爲弘農王而立陳留王協

獻帝協靈帝次子年九歲卽位董卓旣誅曹操爲相
進爵魏王操薨子丕禪位以帝爲山陽公在位三十
一年魏青龍二年崩壽五十四自遜位至崩又十四
年太子早沒孫康立五十一年薨子瑾立四年薨子
秋立二十年永嘉中爲胡賊所滅國除爲公共八十
九年

三國兵爭

魏

武帝操字孟德，沛國譙人也。桓帝時，曹騰爲中常侍，大長秋封費亭侯，養子嵩，嗣官至大尉。嵩本姓夏侯氏，嵩生操，操少機警，有權數，而任俠放蕩，不治行業，好飛鷹走狗。其叔父數言之於嵩，操患之。操後逢叔父於路，乃陽敗面啞口，叔父謂是中惡風走，告嵩。嵩驚呼，操操口貌如故。嵩曰：汝叔言汝中惡風，有差乎？操曰：初不中風，但失愛於叔耳。自後叔有所告嵩，終

不信于時。惟梁國喬玄、南陽何顥、知操。玄謂操曰：天下將亂，非命世之才不能濟也。能安之者其在君乎？又曰：君未有名可交。許子將、子將名邵，與從兄靖俱好。覈論鄉黨人物，每月輒更其品題。故汝南俗有月旦評。操詣邵，問曰：我何如人？邵曰：子治世之能臣，亂世之姦雄也。操大喜而去。靈帝崩，太子卽位，太后臨朝。大將軍何進與袁紹謀誅宦官，太后不聽進，乃召董卓欲以脅太后。操聞而笑曰：闡豎之官，古今宜有，但世主不當假之權寵使至於此。旣治其罪，當誅元

惡一獄更足矣何必紛紛召外將乎欲誅之事必
宜露吾見其敗也卓未至而進見殺卓到廢帝爲弘
農王而立獻帝京都大亂操至陳畱散家財合義兵
將以誅卓始起兵於巳吾是歲中平六年也初平元
年正月冀州牧韓馥豫州刺史孔伋兖州刺史劉岱
河內太守王匡渤海太守袁紹陳畱太守張邈東郡
太守橋瑁山陽太守袁術濟北相鮑信同時起兵衆
各數萬推紹爲盟主操行奮武將軍卓聞兵起乃徙
天子都長安焚燒宮室是時卓兵彊紹等莫敢先進

操言舉義兵以誅暴亂大衆已合諸君何疑向使董卓聞山東兵起倚王室之重據二周之險東向以臨天下雖以無道行之猶足以爲患今焚燒宮室劫遷天子海內震動不知所歸此天亡之時也一戰而天下定矣諸將不能用操兵少乃詣揚州募兵得四千餘人二年諸將議以幽州牧劉虞宗室賢雋欲共立爲主操曰吾等所以舉兵而遠近響應者以義故也今幼主微弱制於奸臣非有昌邑亡國之釁而一旦改易天下其孰安之諸君北面我自西向是時袁術

代韓馥爲冀州牧。鮑信謂操曰：紹爲盟主，因權專制，將自生亂，是復一卓也。且可據大河之南以待其變。操善之。青州黃巾衆百萬入兗州，乘銳轉入東平。劉岱欲擊之。鮑信諫曰：今賊衆百萬，百姓皆震恐，士卒無鬪志。我觀賊衆羣輩相隨，軍無輜重，唯以抄掠爲資，不若畜士衆之力，引兵固守。彼欲戰不得，攻又不能，其勢必散。我選精銳據其要害，擊之可破也。岱不聽。遂與之戰，果爲所殺。信乃迎操領兗州牧，而自擊黃巾於壽張。東信力戰，鬪死，僅而破之。購求信喪，不

得衆乃刻木如信形祭而哭焉操追黃巾至濟北受降卒三十餘萬男女百餘萬口收其精銳者號爲青州兵遂往征陶謙拔其五城初張邈少時好俠操與之善操之攻謙志在必死以父嵩見害於謙也勅其家曰我若不還往依孟卓孟卓邈字也後還見邈垂泣相對陳留高柔謂人曰曹將軍雖據兗州實有四方之圖未得安守而張府君恃陳留之資將乘間爲變矣鄉人皆以張曹相親不然其說已而張邈與陳宮果叛操以迎呂布賴荀彧保鄆城程昱說范東阿

卒完三城以待操。二年，操襲定陶，呂布夜走，東奔劉備。張邈詣袁術請救，爲其衆所殺。兗州平。建安元年，操軍臨武，是時董卓已爲王允誅滅。允又爲卓將李催、郭汜所殺。長安大亂，車駕復還洛陽矣。操乃將兵詣洛，見天子。董卓等勸操遷都許下，操遂自稱大將軍，迎天子都許昌。時天下亂離，民棄農業，諸軍並起，率乏糧穀，饑則寇略，飽則棄餘，瓦解流離，無敵自破者，不可勝數。袁紹在河南，軍人仰食桑椹。袁術在江淮，取給蒲贏，民多相食。州里蕭條，羽林監棗祗請建

置屯田都尉乃以任峻爲典農中郎將募民屯田許下歲得穀百萬斛於是州郡例置田官所在積穀倉廩皆滿故操征伐四方無運糧之勞遂能兼并羣雄軍國之饒起于祗而成于峻也建安二年操討張綉三年東征呂布屠彭城布將宋憲等執陳宮舉城降生擒布宮皆殺之四年袁紹旣并公孫瓚兼四州之地衆十餘萬至是將進兵攻許諸將皆恐操曰吾知綉之爲人矣志大而智小色厲而膽薄忌刻而少威兵多而分畫不明將驕而政令不一土地雖廣糧食

引兵自柳城還。康卽斬尚、熙及速僕丸等，傳其首。諸將問操，操曰：「彼素畏尚等，吾急之則并力，緩之則相圖，其勢然也。」十二年，至易水，代郡烏桓及上郡烏桓行單于等將其名王來賀。十三年，南征劉表，至赤壁，與劉備等戰，不利。於是軍大疫，多歿，乃引還。劉備遂有荊州、江南諸郡。十四年，軍至譙，作輕舟，治水軍，自渦入淮，出淝水，軍合肥。十五年春，下令曰：「自古受命之君，曷嘗不得賢人君子與之共治，及其得賢，曾不出閭巷，豈幸相遇哉！上之人不求之耳。今天下未定，

此求賢之急時也。孟公綽爲趙魏老，則優，不可以爲
滕薛大夫。若必廉士而後可用，則齊桓其何以霸世？
今天下得無被褐懷玉而釣渭濱者乎？又得無盜嫂
受金而遇魏無知者乎？二三子其佐我揚明側陋，唯
才是舉，吾得而用之。是冬，作銅雀臺於鄴。十六年，張
魯據漢中，操遣鍾繇討之，而使夏侯淵等出河東，與
繇會。是時關東諸將疑繇欲見襲，馬超遂與韓遂等
叛。操於是遣曹仁討超。超等屯潼關，操敕仁等曰：關
西兵精，唯堅壁勿與戰。八月，操親至潼關，與超等夾

豐祗足爲吾奉也。五年，車騎將軍董承等稱受帝衣帶中密詔，與劉備共誅曹操。謀泄，操殺承等。六年，操將征劉備，諸將皆曰：「與公爭天下者，袁紹也。今紹方來而棄之東，紹乘公後若何？」操曰：「劉備人傑也，今不擊必爲後患。袁紹雖有大志而見事遲，必不動也。遂擊備破之，備走奔紹，獲其妻子。備將關羽屯下邳，復進攻之，羽降。操還官渡，紹卒不出，卒破紹，斬其二將。顏良、文醜。七年，操軍譙，使以太牢祀。喬玄復進兵官渡，紹自軍破，嘔血死。少子尚代譚將軍，軍黎陽。九

月操征之八年袁譚袁尚代遁操進軍鄴九年操攻
鄴十年攻譚破之斬譚冀州平袁熙與尚奔三郡烏
桓操征烏桓十一年五月操至無終秋七月大水傷
海道不通田疇請爲鄉道引軍出盧龍塞塞外道絕
乃塹山堙谷五百餘里經白檀歷平剛涉鮮卑庭東
指柳城尚熙與蹋頓等將數萬騎逆軍操登白狼山
張遼爲先鋒斬蹋頓及名王以下尚與熙奔遼初遼
東太守公孫康恃遠不服及操破烏桓或說操遂征
之操曰吾方使康斬送尚熙首來不煩兵矣九月操

關而軍操急持之。而潛遣徐晃、朱靈等夜渡蒲坂津。據河西爲營。操自潼關北渡。臨濟河。先渡兵。獨與都尉許楮及虎士百餘人。留南岸。斷後。超將步騎萬餘來奔。操軍矢下如雨。楮乃扶操上船。賊戰急。軍爭濟。船重欲沒。楮斬攀船者。左手舉馬鞍蔽操。船工爲流矢所中。死。楮右手並泝船。是日。後楮幾危。校尉丁斐因放牛馬餌賊。賊取牛馬。操乃得渡。循河爲甬道。而南。賊退。拒渭水。操乃多設疑兵。潛以舟載兵入渭。爲浮橋。夜分兵結營於渭南。韓遂與操有舊。請與操相

見操欲離其黨。於是交馬相語。移時。共道京都舊故。拊手歡笑。時秦胡觀者。前後重沓。操笑謂之曰。爾欲觀曹公平。亦猶人也。非有四目兩口。但多智耳。趙果疑遂卒。爲操所破。及關中平。諸將問操曰。賊初守潼關。渭北道缺。不從河東擊馮翊。而反守潼關。引兵而後北渡。何也。操曰。賊守潼關。若吾入河東。賊必引守諸津。則西河未可渡也。吾故盛兵向潼關。賊悉衆南守西河。之備虛。故二將得擅取西河。然後引兵北渡。賊不能與吾爭西河者。以有二將之軍也。連車樹柵。

爲用道而南既爲不可勝且以示弱渡渭爲堅壘虜
至不出所以驕之也故賊不爲管壘而求割地吾順
言許之所以從其意使自安而不爲備因畜士卒之
力一旦擊之所謂疾雷不及掩耳兵之變化固非一
道也始賊每一部到操輒喜賊破後或問操操答曰
關中長遠若賊各依險守阻不一二年不可定也今
皆來集其衆雖多莫相歸服軍無適主一舉可滅爲
功差易吾是以喜十七年十月操征孫權十八年正
月進兵濡須口破權江西管獲其都督公孫陽乃還

四月至鄴。五月操自立爲魏公，加九錫。始建魏社稷宗廟，安定太守毋丘興將之官操，戒之曰：「羌胡欲與中國通，自當遣人來，慎勿遣人往。」善人難得，必將教羌胡妄有所請求，因欲以自利，不從便爲。失異俗意，從之則無益於事，與至官果遣校尉范凌往羌中，凌果教羌使自請爲屬國都尉。操曰：「吾預知當爾，非聖也。但更事多耳。」十九年，立皇子熙等四人爲王。時許靖在巴郡，聞之，笑曰：「將欲翕之，必姑張之；將欲奪之，必姑與之。」其孟德之謂乎。七月，征孫權，參軍傅幹諫。

不聽操自合肥而還十一月操遣華歆勒兵入宮收
伏皇后殺之伏完及宗族死者數百人十二月操至
孟津天子命置旄頭宮殿設鍾虡乙未下令曰夫有
行之士未必能進取進取之士未必能有行也陳平
豈篤行蘇秦豈守信耶而陳平定漢業蘇秦濟弱燕
由此言之士有偏短庸可廢乎又曰刑百姓之命也
今典獄者或非其人而任以三雷了死生之事吾甚懼
之其選明達法理者使持典刑於是高柔爲理曹
掾舊法軍征士亡考竟其妻子而亡者猶不息操欲

更重其刑，并及其父母兄弟。柔啓曰：士卒亡軍，誠在可疾然，竊聞其中時有悔者，愚謂乃宜貸其妻子，以誘其還心。猥復重之，柔恐自今軍士見一人逃亡，誅將及已，亦且相隨而走，不可復殺也。此重刑非所以止亡，乃所以益走耳。操稱善久之。二十年西征張魯，魯降，封魯及其五子皆爲列侯。二十一年操進爵爲魏王，十月治兵征孫權。二十二年操軍居巢，孫權在濡須口築城拒守。三月操引軍還。二十三年金祿耿紀等欲挾天子以攻魏，未成而敗。操聞之怒，名漢百

官詣鄴盡殺救火居左者三十四年西曹掾魏延
襲鄴誅操不克死之是年孫權將呂蒙襲斬關羽操
表權爲驃騎將軍荊州牧上書稱臣於操操以權書
示中外曰是兒欲踞吾著爐火上耶侍中陳羣等陳
說天命操曰若天命在吾吾其爲周文王矣二十五
年正月操至洛陽薨年六十六操芟夷羣醜其行軍
用師大較依孫武子兵法而因事設奇諳敵制勝變
化若神自作兵書十餘萬言諸將征伐皆以新書從
事與虜對陣意思安閒如不欲戰然至決機而乘氣

執盈溢故每戰必克御軍三十餘年手不舍書漢世
安平崔瑗瑗子寔弘農張芝芝弟昶並善草書而操
亞之桓譚蔡邕善音樂馮翊山子道王九真郭覲等
善園棊操皆與埒能又習啖野葛至一尺少多飲鳩
酒獻穆后諱節操之中女也建安十八年操進三女
憲節華爲夫人及伏后被弑節立爲皇后曹不受禪
遣人求璽綬后怒不與如是數輩后乃呼入親數讓
之以璽抵軒下因涕泣言曰天不祚爾嗚呼誰知此
言遂成讖也漢獻貶帝爲公以仁爲山陽公夫人稱

傳至玄孫秋猶爲公。行漢正朔。用天子禮樂。未絕也。
永嘉不兢。氏羌並起。司馬晉已失天下。況魏乎。嗚呼。
又誰知漢以公相傳。又且幾百年。而魏之不祚。一。至。
此也。西晉已亡。而後漢之祀絕。則漢之祀有五百餘。
年。其末代如周之寄食東西。而一勝之矣。深仁厚澤。
之報何如哉。故有國者。不可以急於取國。而恣爲勦。
絕。撲滅之威。以自擅。而圖後禍也。本欲爲慮。後之圖。
孰知後禍更速乎。魏武司馬懿是已。魏武好殺其子。
丕。先殺其弟。禁錮其宗。其餘盡夷滅於司馬懿之手。

無子遺者。司馬懿好殺。又多殺曹。奪國未幾。而司馬
炎二十五子。咸自相啖。不盡者。懷愍二君。總奴虜。斬
截於羌胡矣。天之報施。竟何如哉。天道好還。人不可
以獨殺諒哉。余故謂曹后。天不祚爾之言。有驗也。

文帝諱丕。代漢都鄴。徙洛陽。首立九品官人之法。在

好貨

位七年。壽四十。臨終。以司馬懿受遺詔。輔政。丕同母
弟植。好學。多才。見寵於武帝。幾奪嫡。而丁儀。丁廙。楊
修等。與植善。又爲之羽翼。故文帝立而怨之。殺丁儀。
丁廙。及其男口。植與諸兄弟。並遣就國。夫怨植已矣。

並及諸兄弟何也。故下太后親告丕曰：女旣殺我任

城，不得復害東阿、東阿植也。黃初二年，監國謁者灌

灌均○兒孫干古同用

均希指奏植醉酒悖慢，劫脅使者，丕以太后故貶爵

爲安鄉侯。其年又改封鄆城侯。其餘侯王皆寄名空

地而無其實。老兵百餘人爲之守備，隔絕千里之外。

不聽朝覲，雖有侯號，實同匹夫。皆願爲布衣而不能

得法。旣峻急，伺察者益衆。故諸侯王過惡，日聞獨北

海王袞謹身好學，未嘗有過。監國防輔相與言曰：受

詔察王有過當奏，有善亦宜以聞。遂共表陳之。袞聞

大驚曰修身自守常人之行耳而諸君乃以上聞是
適足以增其負累也孫盛曰異哉魏之封建也不度
先王之典不思藩屏之重違敦睦之風背維城之義
漢初之封或權侔人主雖云不度時勢然也魏氏諸
王墮同匹夫雖懲七國矯枉過也六合未一而彫翦
枝幹委權異俗勢同鹿木危若巢幕不嗣忽諸非天
喪也五等之制萬世不易六代興亡曹叅論之詳矣
余謂曹公屠鄴不即入熙室而奪其妻使曹公有今
年破賊爲阿奴之嫌卞太后往問不疾見左右皆昔

年侍者因問左右何時過對云正伏魄時過太后遂
不入而罵曰狗鼠不食女餘死固應爾至山陵亦竟
不臨然則丕之喪心久矣又何有於諸王又何有於
經國之長慮乎縱無司馬懿之奸亦難久有魏也而
況司馬父子兄弟終日睨其側哉

明帝叡丕子臨終以曹爽爲大將軍與司馬懿好貨同受
遺詔輔政在位十四年

邵陵厲公芳叡養子也卽位三年而司馬懿卒子師
繼爲大將軍六年而師殺中書令李豐及太常卿夏

侯玄遂廢芳而迎高貴鄉公髦立之

髦丕之孫司馬師卒弟昭繼爲大將軍髦見威權日去不勝其忿率兵討昭爲昭所弑在位七年

長道鄉公奐模孫也司馬昭弑髦而立之昭卒子炎嗣爲晉王篡魏廢奐爲陳留王在位七年而魏絕魏之前後五帝共享國四十一年其一被弑其二見廢唯丕與叡僅存然則魏武亦枉苦心矣本欲滅吳并蜀以一天下孰知吳蜀未滅而已先滅耶又豈料俯仰之間四十餘年蕩然遂無復有耶已取天下於人

若此其難人取天下於已若此其易難易之故吾知
雖以曹公之多智亦必不能逆爲之壽矣可不悲歟
奐在位七年虛器也髦在位七年身且不保求爲虛
器又不能得也芳雖在位六年乃廢然實他人子非
魏物也其與司馬晉之爲牛羸秦之爲呂等耳未絕
而先自絕矣然則自魏明帝而後稱魏帝者空有帝
之名無帝之實也吾又以是觀之丕七年叡十四年
是魏之有天下也實則僅僅二十又一年也只有二
代相繼而爲帝也魏武不亦枉哉而苦心乎哉悲夫

吳

孫堅，富春人也。董卓亂，堅舉兵荊州，與袁術相結。術表堅行破虜將軍，領豫州刺史，轉戰至梁，大破卓軍。卓尋徙都焚燒雒邑，堅乃前至洛，修諸陵，平塞卓所發掘。初平三年，術使堅征劉表，表遣黃祖逆于樊、鄧之間，堅擊破之，追渡漢水，遂圍襄陽，單馬行峴山，爲祖軍士所射殺。初，堅娶錢塘吳氏，生四男，策、權、翬、匡，及一女，堅從軍于外，畱家壽春，策年十餘歲，已交結知名士矣。舒人周瑜與策同年，自舒來，造勸策徙居。

舒策從之。瑜乃推道南大宅與策，及堅死。策年十七，策乃渡江，居江都，結納豪傑，慨然有復讐之志。後策到壽春，見袁術，涕泣言曰：「亡父昔從長沙入討董卓，與明使君會于南陽，同盟結好，不幸遇難，勲業不終，策感惟先人舊恩，欲自憑結，願明君垂察其誠，術甚奇之，以堅餘兵千餘人還策，拜表懷義，校尉因進攻橫江，當利皆拔之，遂渡江，轉鬪所向皆破，莫敢當其鋒。初，百姓聞孫郎至，皆失魂魄，長吏委城郭，竄伏山草，及策至，軍士奉令不敢擄掠，雞犬菜茹一無所犯。」

良乃大悅，競以牛酒勞軍。策爲人，美姿顏，能笑語，性
闊達，善用人。旣又攻劉繇於牛渚營，又破繇別將於
梅陵，轉攻湖熟，江乘皆下之。進擊繇，曲阿繇同郡太
史慈時自東萊來省繇，會策至，繇使慈出往偵視。慈
時獨與一騎，卒遇策於神亭，策從騎十三皆堅舊將，
慈便前鬪，策刺慈馬而墜，得慈項上手戟，慈亦得策
兜鍪。會兩家兵騎並至，乃各解散。後繇兵敗，走丹陽，
策入曲阿，勞賜軍士，旬月之間，四面雲集，得見兵二
萬餘人，馬千餘匹。策於是威震江東。建安元年，策將

取會稽、會稽功曹虞翻說太守王朗曰：策善用兵，不
如避之。朗不從，發兵拒策，遂爲策所破。朗降，策自領
會稽太守，復以虞翻爲功曹。策好獵，虞翻諫曰：明府
喜輕出微行，從官不暇嚴，白龍魚服，困于豫且，白蛇
自放，劉季害之，策曰：君言是也。然不能改策，嘗爲涇
縣大帥，祖郎所襲，幾至危殆。劉繇之奔也，太史慈遁
於蕪湖山中，自稱丹陽太守，策已定宣城，惟涇以西
六縣未服，慈因進住涇縣，大爲山越所附。於是策自
將討祖郎於陵陽，擒之。策謂郎曰：爾昔襲孤，斫孤馬。

鞍今創軍立事除棄宿恨惟取能用天下通耳非但
汝汝勿恐怖即破械署門下賊曹又討太史慈於勇
里擒之解縛捉其手曰寧識神亭時耶今日之事當
與卿共之卿天下智士但所託未得其人孤是卿知
己勿憂不如意也卽署門下督軍還祖郎太史慈俱
在前道會劉繇卒於豫章士衆萬餘人欲奉豫章太
守華歆爲主歆謝遣之衆未有所附策命太史慈先
往安撫并觀華子魚之爲人左右皆曰慈必不還策
曰子義舍我當欲從誰餞送昌門把腕別曰何時能

還荅曰：不過六十日。慈行議者猶云：策曰：太史子義氣勇有膽烈，非縱橫人也。其秉心道義重，然諾一以意許，知已死亡不相負。諸君幸勿言慈果如期而反。四年冬，策以計攻廬江太守劉勲，破之，遂進擊黃祖。十二月，策軍至沙羨，劉表子虎及南陽韓晞將長矛五千人來救祖，策與戰，大破之，斬晞，祖脫身走。策盛兵將，狗豫章屯于椒丘，謂功曹虞翻曰：華子魚自有名字，然非吾敵也。若不開門讓城，金鼓一震，不能無傷。卿便在前，具宣孤意，翻乃往見華歆。歆即作檄遣

使齋迎歆自葛巾迎策策向歆拜禮爲上賓遂有豫
章初策殺吳郡太守許貢貢奴客潛民間欲爲貢報
讐策性好獵所乘馬精駿從騎絕不能及卒遇貢客
三人射策中頰策創甚召張昭等謂曰中國方亂以
吳越之衆三江之固足以觀成敗公等善相吾弟呼
權佩以印綬謂曰舉江東之衆決幾於兩陣之間與
天下爭衡卿不如我舉賢任能各盡其心以保江東
我不如卿五月夏策卒年二十六時策雖有會稽吳
郡丹陽豫章廬江廬陵然深險之地猶未盡從流寓

之士皆以安危去就爲意。獨張昭、周瑜等謂權可與共成大業。七年秋，曹操下書責孫權任子，權引周瑜詣吳夫人前定議，遂不送質。十三年，權西擊黃祖，屠其城，祖挺身走，追斬之。是時曹操遺權書曰：「近者奉辭伐罪，旌麾南指，劉琮束手。今治水軍八十萬衆，願與將軍會獵於吳。」權以示臣下，莫不駭震失色。權用周瑜、魯肅計，與劉備并力，破操於赤壁。操大敗，十五年冬，周瑜卒。十七年，權作石頭城，徙治秣陵，改秣陵爲建業。秋九月，作濡須塢。冬十月，曹操東擊孫權，十

八年春，曹操進軍濡須口，號步騎四十萬，攻破孫權。江西營權率眾士往禦之，宿守月餘。操見其舟船器仗軍伍整肅，歎曰：生子當如孫仲謀，如劉景昇兒子豚犬耳。權為牋與操，說春水方生，公宜速去。又別紙言：足下不死，孤不得安。操與諸將曰：孫權不欺，乃引兵還。二十二年春，魏王操軍於居巢，孫權保濡須，操進攻之。三月，操又引軍還。冬十月，魯肅卒，孫權以呂蒙兼漢昌太守代之。二十四年秋，權遣呂蒙襲公安江陵，獲關羽及子平於章鄉，斬之。十二月，魏王操表

○英○錄○

可惜

孫權爲驃騎將軍，假節領荊州牧，封南昌侯。魏王丕黃初元年，孫權遣使奉獻。二年，孫權自公安徙都鄂，更名鄂曰武昌。秋七月，孫權遣使稱臣于魏。魏遣太常邢貞奉策，即拜孫權爲吳王。吳中郎將徐盛忿顧謂同列曰：「盛等不能奮身出命，爲國家并許洛、吞巴蜀，而令吾君與貞盟，不亦辱乎？」因涕泣橫流。貞聞之，謂其徒曰：「江東將相如此，非久下人者也。」吳王遣中大夫南陽趙咨入謝。魏主問曰：「吳王何等主也？」對曰：「聰明仁智，雄略之主也。」魏主問其狀，對曰：「納魯肅於

九品是其聰也。拔呂蒙於行陣，是其明也。獲于禁而不害，是其仁也。取荊州，兵不血刃，是其智也。據三州，虎視天下，是其雄也。屈身於陸下，是其略也。魏主曰：吳可征否？對曰：大國有征伐之兵，小國有禦備之固。魏主曰：吳如大夫幾人？對曰：聰明特達者八九十人。如臣之比，直載斗量，不可勝數。魏明帝泰和三年，吳王卽皇帝位，大赦，以黃龍見，改元黃龍。九月，遷都建業。以陸遜輔太子登，守武昌。黃龍二年，明年又改嘉禾。三年，六年，以赤烏見于前殿，改元赤烏。是年，魏主

啟卒太子芳立十三年吳主廢其太子和立子亮爲太子太元二年權薨年七十一

孫亮權少子權以宗室孫綝爲大將傅亮亮卽位以專恣陰與太常全尚將軍劉丞謀誅綝綝以兵取亮又攻殺丞于蒼龍門黜亮爲會稽王尋殺之在位七年

孫休權第六子綝廢亮立休休以綝爲丞相綝一門五侯皆典禁兵權傾人主休陰與張布圖計臘日百僚朝賀詔武士縛綝即日伏誅在位七年

孫皓休兄和子、淫虐殊甚、毋宴群臣、咸令沉醉、置黃
門郎十人、以司過失、宴罷各奏闕失、過大即加威刑、
小過亦輒罪、又激水入宮、宮人稍不合意、輒流殺之、
或剗人之面、或鑿人之眼、又惡人視己、群臣莫敢舉
目、丞相陸凱曰、君臣一體、無有不相識者、若猝有不
虞、恐不知所赴也、後降晉、封爲歸命侯、在位十七年、

蜀

先生劉備涿郡人景帝子中山靖王之後也少孤貧與母以販屨爲業身長七尺五寸垂手下膝顧自見其耳常與公孫瓚同師盧植由是往依瓚瓚以爲平原相常山趙雲來詣瓚備見而奇之雲遂從備興平元年徐州牧陶謙疾篤謂別駕東海糜竺曰非劉備不能安此州也謙卒竺率州人迎備備遂領徐州建安元年袁術攻劉備以爭徐州備使張飛守下邳自將拒術袁術與呂布書勸令襲下邳布乃引兵水陸

東下張飛敗走布遂虜備妻子備請降布布亦忿袁
術乃召備復以爲豫州刺史與并勢擊術使屯小沛
備因合兵得萬餘人布惡之乃復攻備備敗走歸曹
操操厚遇之以爲豫州牧遂益其兵給糧食使東至
沛收散兵以圖布三年呂布復與袁術通遣其將高
順及張遼攻劉備曹操遣將夏侯惇救之爲順等所
敗順等破沛城虜備妻子而還備復走操操謂備曰
今天下英雄惟使君與操耳本初之徒不足數也備
方食值雷震失匙箸備因曰聖人云迅雷風烈必變

良有以也。會操遣備邀袁術。術既南走，備遂殺徐州刺史車胄，留關羽守下邳。身還小沛，郡縣多叛。操爲備備將數萬人，遣使與袁紹連兵。操遂自擊備，破之。獲其妻子，進拔下邳，擒關羽。備乃奔青州。因袁譚以歸袁紹。紹聞備至，身去鄴二百里迎之。五年秋，劉備略汝潁之間，還至紹軍。陰欲離紹，紹乃遣備將本兵。復至汝南。六年秋，操自擊備於汝南。備奔劉表。表聞備至，自出郊迎，以上賓禮待之。益其兵，使屯新野。備在荊州數年，一日至廁所，慨然流涕。表怪問故，備

曰平常身不離鞍，髀骨皆消。今不復騎，髀裏肉生日
月如流，老將至矣。而功業不建，是以悲耳。十三年，操
軍至新野，劉琮以荊州降。琮，表子也。諸葛亮勸備攻
琮，以取荊州。備曰：劉荊州臨亡，託我以孤遺，背信自
濟，吾所不爲。遂去。過襄陽，琮左右及荊州人多歸備。
比到當陽，衆十萬餘。輜重數千兩，日行不過十餘里。
或謂備曰：宜速行。保江陵。備曰：夫濟大事必以人爲
本。今人歸吾，吾何忍去？操以江陵有軍實，恐備據之，
乃釋輜重，將精騎五千急追備。一日一夜行三百餘

里追及備於當陽之長坂。備棄妻子，與諸葛亮、張飛、趙雲等數十騎遁去。或謂備曰：「趙雲北走矣。」備以手戟摘之，曰：「子龍不棄我也。」頃之，雲抱劉禪與關羽船會，因得濟沔。備遂因魯肅以歸孫權。與權共破操於赤壁。十二月，備引兵南徇武陵、長沙、桂陽、零陵諸郡，皆降。備以諸葛亮爲軍師，使督零陵、桂陽、長沙三郡，調其租稅以充軍實。以趙雲爲桂陽太守。十四年冬，孫權以備領荊州牧，周瑜分南岸地以給備。備立營於油口，改名公安。權復以妹妻備。十五年冬，劉表故

吏士多歸備備以周瑜所給地少不足容衆乃自詣

京見孫權求都督荊州周瑜勸留之權不聽備還公

安聞之嘆曰天下智謀之士所見略同時孔明諫孤

莫行其意亦慮此也及周瑜卒魯肅代瑜肅乃勸權

以荊州借備與其拒曹操十六年冬曹操遣鍾繇向

漢中蜀州牧劉璋別駕張松說璋曰曹公兵無敵于

天下若因張魯之資以取蜀土誰能禦之劉豫州使

君之宗室若使之討魯魯必破矣魯破則益州強曹

公雖來無能爲也璋然之乃遣法正迎備法正至荆

州遂勸備取益州。龐統亦言於備。備曰：今指與吾爲水火者，曹操也。操以急，吾以寬；操以暴，吾以仁；操以譎，吾以忠。每與操反事，乃可成。今以小利而失信義，干天下，奈何？統曰：逆取順守，古人所貴。若事定之後，封以大國，何負於信？今日不取，終爲人利耳。備以爲然，乃將步卒數萬人入益州。劉璋敕在所謀奉備，備入境如歸。前後贈遺以巨億計。備至巴郡，太守嚴顏拊心嘆曰：此所謂獨坐窮山，放虎自衛者也。備至涪，璋率步騎三萬餘人，車乘帳幔，精光耀日，往會之。張

松令法正白備便於會襲璋。備曰：「此事不可。」倉卒，璋與備歡飲百餘日。璋增備兵，厚加資給，使擊張魯。又令督白水軍。備并軍三萬餘人。北到葭萌。未卽討魯，厚樹恩德以收衆心。十七年冬，備在葭萌。十八年夏，備進據涪城。十九年，備進圍成都。璋出降。備自領益州牧。以諸葛亮爲軍師將軍。於是董和、黃權、李嚴等，本璋之所授用也；吳懿等，璋之婚親也；彭萊，璋之所擯棄也；劉巴，宿昔之所怨恨也。備皆處之，顯任盡其器能。有志之士無不競勸。益州之民是以大和。初，赤

壁之役權遣使報備曰張魯王巴漢爲曹操耳目
圖益州若操得蜀則荊州危矣今欲先攻取璋進討
張魯首尾相連一統吳楚雖有十操無所憂也於是
遂遣周瑜率水兵住夏口備不聽軍過謂瑜曰汝欲
取蜀吾當被髮入山不失信于天下也及備取益州
權聞之怒曰猾虜乃敢挾詐如此二十年孫權以備
已得益州乃遣呂蒙襲奪長沙零陵桂陽三郡備引
兵五萬下公安令關羽入益陽是歲曹操將擊張魯
備聞之乃與權連和分荊州江夏長沙桂陽東屬南

郡零陵武陵西屬引兵還江州二十三年夏備屯陽平關魏大將夏侯淵督張郃徐晃等與備相拒備遣絕馬鳴閣道徐晃擊破之卻屯廣右備又攻之不能克乃急書發益州兵諸葛亮以問從事犍爲楊洪洪曰漢中益州咽喉若無漢中則無蜀矣此家門之禍也發兵何疑二十四年春操自長安出斜谷軍遮要以臨漢中備曰曹公雖來無能爲也我必有漢川矣乃歛衆拒險終不交鋒操運米北山下黃忠引兵取之過期不還趙雲將數十騎出營視之值操揚兵大

出雲卒與相遇遂前突其陣且鬪且却魏兵散而
合追至營下雲入營便大開門偃旗息鼓魏兵疑
有伏引去雲令搥鼓以勁弩隨後追射魏兵驚
懼自相蹂踐盡墮漢水中備明日自來雲營視其戰
處曰子龍一身都是膽也操與備相守月餘魏軍士
多亡夏五月操引兵出漢中諸軍還長安劉備遂有
漢中秋七月劉備自稱漢中王立子禪爲太子是年
孫權襲殺關羽取荊州魏文帝黃初二年春蜀中傳
言漢帝已遇害於是漢中王發喪制服夏四月漢中

王卽帝位於武擔之南。大赦改元章武。初先主忿孫
權襲關羽。至是遂帥諸軍伐吳。竟爲陸遜所敗。三年
夏先主薨于永安宮。時年六十三矣。遺詔敕後主曰
人五十不稱夭。吾年六十有餘。何所復恨。但以卿兄
弟爲念耳。勉之。勉之。勿以小惡而爲之。勿以小善而
泥塑語
勿爲。惟賢惟德。可以服人。聞丞相爲寫申韓管子六
韜一通。已畢。吾亡之後。汝兄弟父事丞相可也。

後主禪嗣位。丞相諸葛亮受遺詔輔政。亮卒。宦官黃
皓用事。及司馬昭遣鄧艾鍾會伐蜀。禪遂降。禪子北

地王可○人○妙○譙怒曰若理窮力屈禍敗必及便當父子君臣
背城一戰同死社稷以見先帝可也後主不納遂送
璽綬是日譙哭於昭烈之廟先殺妻子而後自殺禪
至洛陽封爲安樂公司馬昭與禪宴爲之作故蜀歌
旁人皆爲之感愴而禪喜笑自若昭謂賈充曰人之
無情乃至於是乎雖使諸葛亮在不能輔之久可○兒○全况
姜維取他日昭問禪曰頗思蜀否禪曰此間樂不思
蜀卻正聞之語禪曰後若問宜泣答曰先人墳墓遠
在隴蜀乃心西悲無日不思卽閉其目會復問禪對

如之昭曰何乃似卻正語邪禪驚視曰談如尊命

奸臣篡奪

晉司馬氏

○共五十三年

武帝炎司馬昭長子也昭師之弟而司馬懿之子懿字仲達河內溫縣人少有奇節建安六年郡舉上計掾曹操爲司空聞而辟之懿辭以風痺操爲丞相又辟爲文學掾敕行者曰若復盤桓便收之懿懼乃就職於是使與太子游處遷黃門侍郎魏國旣建遷太子中庶子與陳羣吳質朱鑠號曰四友及操薨于洛陽懿乃奉喪還鄴操子丕嗣懿轉丞相長史及丕代

漢以懿爲御史中丞。黃初七年，文帝病篤，懿與曹真、陳羣等並受顧命，輔政。明帝卽位，詔懿屯于宛，加督荆、豫二州諸軍事。初，蜀將孟達之降也，魏朝遇之甚厚，懿以達言行傾巧，不可任。魏主不聽，乃以達領新城太守，封侯，假節。達於是連吳固蜀，潛圖中國。蜀相諸葛亮惡其反覆，又患其爲患。達與太守申儀有隙，亮欲促其事，乃遣郭模詐降。過儀，因漏泄其謀。達聞其謀泄，將舉兵。懿恐其速發，急以書喻達曰：將軍昔棄劉備，託身國家，國家委將軍以疆場之任，任將軍

以圖蜀之事，可謂心貫白日。蜀人愚智，莫不切齒於將軍。諸葛亮欲相破，惟苦無路耳。摸之所言，非小事也。亮豈輕之，而令宣露此殆易知耳。達得書大喜，猶豫未決。懿乃潛軍倍道兼行，八日到其城下。初達與亮書曰：宛去洛八百里，去吳一千二百里，聞吾舉事當表上天子，比相反覆一月間也。則吾城已固，諸軍足辦。司馬公必不自來，諸將來吾無患矣。及兵到達，又告亮曰：吾舉事八日，而兵至城下，何其神速也。至是竟斬達首傳京師，俘獲萬餘人，振旅還宛。大和四

年諸葛亮入天水詔懿西屯長安督永梁二州諸軍
事統軍騎將軍張郃雍州刺史郭淮等拒亮張郃勸
懿分軍住雍郃爲後鎮懿曰料前軍獨能當之者將
軍言是也若不能當而分爲前後此楚之三軍所以
爲黥布擒也遂進軍險虜亮聞大軍且至乃自帥衆
將芟上邽之麥諸將皆懼懿曰亮慮多決少必安營
自固然後芟麥吾得二日兼行足矣於是卷甲晨夜
赴之亮望塵而遁懿曰吾倍道疲勞此曉兵者之所
貪也亮不敢據渭水此易與耳進次漢陽與亮相遇

懿列陣以待之。亮宵遁，追擊破之，俘斬萬計。明帝使
使者勞軍，加增封邑。時軍師杜襲等皆言：「明年麥熟，
亮必爲寇隴，右無穀，宐及時搬運。」懿曰：「亮再出祁山，
一攻陳倉，挫衄而反，縱其後出，不復攻城，當求野戰，
必在隴東，不在西也。」亮每以糧少爲恨，歸必積穀，以
吾料之，非三稔不動矣。青龍二年，亮又帥衆十餘萬，
出斜谷，壘于郿之渭水南原。明帝憂之，遣征蜀護軍
秦朗督步騎二萬受懿節度。諸將欲往渭北，懿曰：「百
姓積聚，皆在渭南，遂引軍而濟，背水爲壘，因謂諸將

曰亮若勇者當出武功依山而東若西上五丈原諸
軍無事矣亮果上五丈原將北渡渭懿遣將軍周當
屯陽遂以餌之數日亮不動懿曰亮欲爭原而不向
陽遂此意可知也遣將軍胡遵雍州刺史郭淮共備
陽遂與亮會於積石臨原而戰懿以亮僑軍遠寇利
在急戰故亮數挑戰懿終不出亮因遺懿巾幘婦人
之飾懿怒表請決戰明帝不許乃遣衛尉辛毗杖節
爲軍師以制之後亮復來挑戰懿將出兵毗杖節立
軍門懿不得出乃止初蜀將姜維聞毗來謂亮曰辛

毗杖節而至賊不復出矣亮曰彼本無戰心所以固請者以示武於其衆耳將在冀君命有所不受苟能制吾豈千里而請戰邪懿與亮對壘百餘日會亮病卒諸將燒營遁去懿乃行其營壘觀其遺事獲其圖書糧穀嘆曰天下奇才也辛毗以爲亮未必死懿曰軍家所重軍書密計兵馬糧穀今皆棄之豈有人捐其五臟而可以生乎宜急追之關中多蒺藜懿使軍士二千人著軟材平底木屐前行蒺藜著屐然後馬步俱進追到赤岸乃知亮果死百姓爲之諺曰死諸

為走生仲達懿聞而笑曰吾便料生不便料死故也
先是亮使至懿問曰諸葛孔明起居何如食可幾米
對曰三四升問政事曰二十罰已上皆自省覽懿告
人曰諸葛孔明食少事煩其能久乎及遼東太守公
孫淵反帝乃徵懿詣京師問曰君度其作何計懿對
曰棄城預走上計也據遼水以距大軍次計也坐守
襄平此成擒耳今其計將安出懿對曰惟明者能深
度彼已預有所棄此非其所及也曰往還幾時對曰
往百日還百日攻百日以六十日為休息一年足矣

遂進師淵果遣步騎數萬阻遼隧堅壁而守以距懿懿盛兵多張旗幟出賊之南賊盡銳赴之懿乃泛舟潛濟以出其北又傍遼水作長圍欲向襄平諸將曰不攻賊而作圍非所以示衆也懿曰賊堅營高壘欲以老吾兵也攻之正入其計此王邑所以耻過昆陽也古人曰敵雖高壘不得不與我戰者攻其所必救也賊大衆在此則巢窟虛矣我直指襄平則人懷內懼懼而求戰破之必矣遂整陣而過賊見兵出其後果邀之懿乃縱兵逆擊大破之三戰皆捷賊保襄平

進軍圍之初淵聞魏師之出也請救於孫權權遺淵書曰司馬公善用兵變化若神所向無前深爲弟憂之會霖潦大水平地數尺三軍恐欲移營懿令軍中敢有言徙者斬賊恃水樵牧自若諸將欲取之皆不聽司馬陳珪曰昔攻上庸八部並進晝夜不息故能一旬之半拔堅城斬孟達今者遠來而更安緩何也懿曰孟達衆少而食支一年吾將士四倍於達而糧不淹月以一月圖一年安可不速以四擊一正令半解猶當爲之是以不計死傷與糧兢也今賊衆我寡

賊餓我飽水雨乃爾功力不設自發京師不憂賊攻
但恐賊走今賊糧垂盡而圍落未合掠其牛馬抄其
樵采比固疆之走也夫兵者詭道善因事變賊憑衆
恃雨故雖飢困未肯束手當示無能以安之既而雨
止遂合圍起土山地道楯櫓鉤撞發矢石雨下淵攻
南圍突出懿縱擊敗之斬於梁水之上既入城立兩
標以別新舊男子年十五已上七千餘人皆殺之僞
公卿已下皆伏誅戮其將軍畢盛等二千餘人遂班
師帝乃遣使者勞軍于薊及齊王卽帝位遷侍中持

節都督中外諸軍錄尚書事與曹爽共執朝政更直
殿中爽以懿年位素高父事之每事諮訪不敢專行
初并州刺史陳平畢軌及鄧颺李勝何宴丁謐皆有
才名明帝惡其浮華皆抑不用曹爽輔政驟加引擢
以爲腹心丁謐爲爽畫策使爽白天子發詔轉司馬
懿爲太傅外以名號尊之實欲令尚書奏事先來由
已得制其輕重也二月以司馬懿爲太傅以爽弟羲
爲中領軍訓爲武衛將軍彥爲散騎常侍侍講其餘
諸弟皆以列侯侍從出入禁闥晏等依勢用事附會

者升進違忤者罷退內外望風莫敢忤旨爽又用何
晏鄧颺丁謚之謀遷太后于永寧宮專擅朝政屢改
制度懿不能禁於是與爽有隙懿遂稱疾不與政事
時人爲之謠曰何鄧丁亂京城爽晏謂懿果疾篤會
河南尹李勝將蒞荊州來候懿懿詐篤疾使兩侍婢
持衣衣落指口言渴婢進粥懿不持杯飲粥皆流出
沾胸勝曰衆情謂明公舊風發動何意尊體乃爾懿
使聲氣纒屬說年長枕疾死在旦夕君當屈并州并
州近胡可善爲之備恐不復相見願以子師昭兄弟

為託勝還告爽曰司馬公尸居餘氣形神已離不足慮矣嘉平元年天子謁高平陵爽兄弟皆從是日太白襲月懿於是奏永寧太后廢爽兄弟太后勅如奏施行大司農桓範出赴爽蔣濟曰智囊往矣懿曰爽與範肉疎而智不及駑馬戀棧豆必不能用也於是假司徒高柔節行大將軍事領爽營謂柔曰君為周勃矣命太僕王觀行中領軍攝義營懿親帥太尉蔣濟等勒兵出迎天子屯於洛水浮橋上爽不肯通奏而遣侍中許允尚書陳泰詣懿觀望風旨懿數其過

失事止免官。秦遠報爽勸之通奏，懿又遣爽所信殿中校尉尹大目諭爽指洛水爲誓，爽意信之。桓範至，果勸爽以天子詣許昌，發四方兵以自輔。爽疑未決，範謂義曰：「此事昭然，今日卿等門戶求貧賤復可得乎？且匹夫質一人尚欲望活，卿與天子相隨，令於天下誰敢不應也？」義兄弟默然。自甲夜至五鼓，爽乃殺刃于地曰：「司馬公正當欲奪我權耳，吾以族就第，亦不失作富家翁。」範哭曰：「曹子丹佳，人生汝兄弟，犢耳何圖！今日坐汝等族滅也。」爽乃通懿奏事，懿遂奉

帝還宮。爽兄弟歸家。懿發洛陽吏卒圍守之。四角作高樓。令人在樓上察視。爽挾彈到後園中。樓上人便唱言。故大將軍東南行。爽愁悶不知爲計。有司奏黃門張當與爽有姦。收當付廷尉考實。於是收爽。義訓。晏。颺。畢軌。勝。并桓。範。皆下獄。劾以大逆不道。與張當俱夷三族。懿猜忌多權變。初曹操察懿有狼顧相。欲驗之。乃召使前行。令反顧。面正向後。而身不動。又嘗夢三馬同食一槽。因謂太子丕曰。司馬懿非人臣也。必預汝家事。太子素與懿善。故得免。懿遂勤於吏職。

此情

至芻牧之間悉皆臨履由是操意遂安及平公孫淵
大行殺戮誅曹爽之際支黨皆夷及三族男女無少
長姑姊妹女子之適人者皆殺之既而竟遷魏鼎云
卒時年七十三師字子光懿長子雅有風彩沈毅多
大略少流美譽與夏侯玄何晏齊名晏嘗稱曰惟幾
也能成天下之務司馬子元是也懿之將誅曹爽獨
與師潛畫弟昭弗之知也將發夕乃告之既而使人
覘之師寢如常而昭不能安席晨會兵司馬門鎮靜
內外置陣甚整懿曰此子竟可也及懿卒議者咸云

伊尹既卒伊陟嗣事矣正元元年天子與中書令李豐后父光祿大夫張緝黃門監蘇鑠等謀以太常夏侯玄代師輔政師密知之即召殺豐逮捕玄緝等皆夷三族師又諷帝擅廢皇后張氏又諷魏永寧太后下令廢帝收帝璽綬仍以齊王歸藩迎高貴鄉公於元城而立之昭字子上師同母弟也毋丘儉文欽之亂大軍東征昭兼中領軍留鎮洛陽及兄師疾篤昭自京都省疾拜衛將軍師卒天子命昭鎮許昌尚書侍中掾帥六軍還京師昭用掾及鍾會策自帥軍而還

至洛陽自爲大將軍加侍中都督中外諸軍錄尚書
事二年鎮東大將軍諸葛誕舉兵淮南三年攻誕斬
之夷三族昭自爲晉公加九錫進位相國晉國置官
司焉景元元年昭弑帝而立燕王宇之子常道鄉公
璜爲帝昭復滅蜀進爵爲王昭卒炎繼昭爲晉王泰
始元年炎篡魏國號晉都洛陽除魏宗族禁錮大封
族屬咸寧七年滅吳詔曰自漢末四海分崩刺史內
親民事外領兵馬今天下爲一當韜戢干戈刺史分
職皆如漢氏故事悉去州郡兵大郡置武吏百人小

郡五十人僕射山濤言不宜去州郡武備帝不聽故
永寧已後盜賊羣起州郡不能制天下遂大亂然其
後刺史復兼兵民之政州鎮愈重矣在位二十六年
帝初卽位厲以恭儉有司奏御牛青絲紉斷詔以青
麻代之大醫程據獻雉頭裘帝命焚於殿前可惡及平吳
後天下乂安遂耽樂遊晏既多內寵復納孫皓宮人
數千自此掖庭殆將萬人莫知所適惟乘羊車聽其
所之宮人竟取竹葉插戶以鹽汁灑地爭引帝車未
年知太子昏庸而恃皇孫聰慧不欲廢立僕射何曾

嘗云每侍帝語不論經國遠圖惟說平生常事非貽厥孫謀之道也指諸孫曰汝輩必遇亂李生曰司馬懿於曹不至善也曹叡之愛禮懿亦至懿蓋兩朝顧命大臣受遺托寄非孟德父子之於漢比也既受其託殺而奪之以爲已有既廢芳立髦矣復弑髦而立奐又廢奐而自立豈其主有劉禪之庸孫皓之虐者乎夫庸如劉禪而蜀之君臣如故也虐如孫皓而吳之君臣如故也必如司馬氏父子則國家崇班重任盡爲盜柄君之視臣如股肱心膂者乃引而納之蕭

牆之內也。一介之士，必有密友。況有國者，將奚託哉？是不容不以篡弒論矣。

惠帝，武帝第二子也。昏愚不辨菽麥，自爲太子，朝野咸知不堪。及居太位，政由羣下，貨賂公行。南陽魯褒作錢神論以譏之。嘗在華林園，聞蝦蟆聲，謂左右曰：「此鳴者爲官乎？私乎？」或對曰：「在官地爲官，在私地爲私。」及天下荒亂，百姓飢餒，帝曰：「何不食肉糜？」其蒙蔽皆此類也。後因食麴而崩。或云司馬越鳩之在位十七年。

懷帝武帝第二十五子也。天、道、好、亮、惜、不、見、兄弟相屠存者三。懷其一也。惠帝崩卽帝位。在位六年。劉聰攻陷洛陽。執以歸。遂見殺。秘書監荀崧曰。懷帝天姿清劬。少著英猷。若遭承平。足爲守文之主。而繼惠帝之後。東海專政。坐致流亡。可慨夫。

愍帝武帝孫也。襲封秦王。永嘉之亂。避難入於藍田。雍州刺史賈疋遣兵迎衛。達于長安。卽位四年。劉曜逼京師。肉袒銜璧。輿觀出降。劉聰出獵。令行車騎將軍戎服執戟爲導。後因大會。使行酒洗爵。反而更衣。

又使執蓋遂見殺